

詩
毛
氏
學

詩毛氏學十九

小雅四

節南山之什

節南山家父音甫刺幽王也

胡曰不平者尹氏而任尹氏者則王也詩詞專責尹

氏首章民具爾瞻末章式訛爾心皆指尹氏而刺王之旨自在言外

節

音截

彼南山維石巖巖

音巖

赫赫師尹民具爾瞻憂心如

惓徒藍反

不敢戲談國既卒斬何用不監

興也

陳曰南山高峻其石巖巖然喻師尹尊貴其位赫赫然

節高峻貌

陳曰禮記釋文

節徐音

〇陳漢章曰說文曰高山之節从山从

巖巖

積石貌

馬曰廣雅巖巖高也羣經音辨引詩作巖巖亦云高也說文礧石山也巖巖皆礧之借字

赫赫顯盛貌

陳曰傳於赫有言顯有言盛者重其義曰顯盛

師大師周之三

公也尹尹氏爲大師

陳曰周公以冢宰兼大師大司徒兼

大師是大師爲三公之兼官矣尹氏當以司空兼大

師蓋司徒主教司馬主兵恆出任二伯之職司空主

土公羊傳所謂一具俱田同

瞻視

釋詁文○董仲舒曰周室之衰

其卿大夫緩於誼而急於利亡推讓之風而有爭田之訟故詩人疾而刺之也節彼南山惟石巖巖赫赫

師尹民具爾瞻爾好誼則民鄉仁而俗善爾好利則民好邪而俗敗由此觀之天子大夫者下民之所視

效遠方之所四面而內望也○陳曰

惔燔也

韓詩作

尹氏爲司空掌主土田故疾評之

卒盡

釋詁

說文斬截也斷截也○李樗曰其言非戲實其

國之將亡也此似謂正言莊論以救之之意監視

也釋詁文○胡曰君失道臣專恣卽是國脈已絕言

既者猶祖伊所稱天既訖我殷命也監者謂當察

視其亂之所由生也潛夫論詩云國既卒斬何不用
監傷三公居人尊位食人重祿而曾不肯察民之盡
瘁也與傳義同○許謙曰一章
言尹氏之失民望而致愁蹙

節彼南山有實其猗反於戈赫赫師尹不平謂何天方薦

瘥才何反喪亂弘多民言無嘉慙七感反莫懲嗟

實滿雅小爾猗長也孔曰傳以綠竹猗猗是草木長茂之貌故為長也○胡曰此與有苑

其特文例正同彼言阪田之中有苑苑然特茂者不
言苗而可知其為苗此謂南山之上而有實然長茂

者不言草木而可知其為草木○裊按詩言南
山之上充滿其長育以反興師尹之不平也 薦重

爾雅荐再也○瘥病釋詰文○裊按說文引詩作嗟云殘蕨田也殘蕨亦病也蓋三

家字異弘大也釋詰文○裊曾也○裊言文○王引之曰替而義同

末語助○蘇曰為政者不平其心則下之榮瘁勞佚
有大相絕者矣是以神怒而重之以喪亂人怨而謗

讞其 upper 而尹氏曾不懲創求所以自改也○
許曰二章言為政不平而不顧天怒民怨

尹氏大

音泰

師維周之氏

丁禮反

秉國之均四方是維天子

是毗

婢尸反

俾民不迷不弔昊天不宜空我師

氏本

爾雅作祗訓同○陳曰言尹氏為周之均平馬

漢律歷志引作鈞云鈞者均也陽施其氣陰化其物皆成就平均也平成同義故又言誰秉國成小爾雅

斤十謂之衡衡有半謂之秤秤二謂之鈞鈞四謂之石鈞本稱物之名後遂通以為平鈞之稱毗厚

也

陳曰毗乃毗之隸變采菽之臝即毗之或字從肉與此毗從肉二字而其義皆為厚荀子引作痺王

肅本作痺竝字異而義同厚者厚尹氏以爵祿也○鄭曰使民無迷惑之憂○荀子云故先王既陳之以

道上先服之若不可尚賢以綦之若不可廢不能以單之綦三年而百姓往矣邪民不從然後俟之以刑

則民知罪矣詩曰尹氏大師為周之氏秉國之均四方是維天子是毗俾民不迷○昶按荀子言為政當

先德化尚賢廢不肖而後輔之以刑使民知所從違此釋詩四方是維俾民不迷之義也以上皆陳正誼下二句忽翻弔至鄭曰至猶善也不善乎憖之也○轉文勢斗絕弔至陳曰至與致同不至有不攻致不堅固之義昊天斥王也○胡曰大誥弗弔天降割于我家多士弗弔天大降喪于殷君奭弗弔天降喪于殷皆與此空窮也陳曰七月傳穹窮也古空穹通用詩不弔同空窮也師謂衆民言不宜窮困我衆民也○許曰三章言大師爲國根本爲政當均平而其任之重如此

弗躬弗親庶民弗信平聲弗問弗仕勿罔君子式夷式已

無小人殆徒里反瑣瑣悉果反姻亞於嫁反則無撫音武仕

庶民之言不可信和按庶民之言斷句不可信合下勿罔上而行也二句皆庶民之言

弗躬弗親所謂不自爲政也其所任用皆小人故庶民皆言其不可信楚語周詩有之曰弗躬弗親庶民不信臣懼民之不信君也故不敢不言傳正本楚語爲訓後人讀傳不詳致失其解勿罔上而

行也

鄭曰仕察也○裨按仕察用釋詁文庶民言謂不可信而女弗躬弗親而任用之庶民戒勿罔

上而行而女弗問弗察於其言皆由其心之不平故喜近小人而行欺罔君子乃君上之通稱式用

夷平也用平則已

裨按釋詞云式語詞之用也用詞之為也為猶則也當引此傳為證

尹氏為政不平乃險詖之人下拂民言上罔其君致此災禍用平則已蓋承上不平薦瘥為說言用平夷

之道不欺罔則災禍可止也無以小人之言至於危殆也

裨按不問察庶

民之言而信用小人之言則必至危殆○陳曰大戴禮孔子曰式夷式己無小人殆而商也其可為不險

也孔子引詩以不險釋無殆瑣瑣小貌釋訓兩壻相

謂曰亞

釋親文

臚厚也

陳曰周禮注臚又訓大厚與大同義仕事也○裨按易云下不

厚事也與此厚事同○鄭曰瑣瑣昏姻妻黨之人無厚任用之○許曰四章言任用小人連引私黨

昊天不傭

勅龍反

降此鞫

九六反

訇

音凶

昊天不惠降此大戾

君子如屈音戒俾民心闕反苦穴君子如夷反鳥路惡怒是違

傭均釋言文○韓詩作庸云易也字異義同鞫盈釋詁文○鄭曰盈猶多也訟訟也

釋言文○陳曰昊天不傭猶言昊天不平耳董言有爭田之訟本三家詩傳訓盈訟與董說合惠順也○

昶按鞫訟乖戾之俗皆由上之化下今乃歸於天屈降而仍望其君子之有以補救辭緩而意實痛切

極釋言闕息陳曰釋詁歛息也歛與闕聲相近○昶按極即莫匪爾極之極言君子如均平

立極則民之鞫訟當止息也此承夷易釋詁違去也首二句君子如夷承不惠二句

昶按惡怒即乖戾也君子和易則民心之惡怒是去也○許曰五章言君子可消天變

不弔昊天亂靡有定式月斯生俾民不甯憂心如醒音呈

誰秉國成不自為政音征卒勞百姓

王引之曰襄十三年傳楚共王卒吳侵楚戰于庸浦大敗吳師君子以吳為不弔詩曰不弔昊天亂靡有

定此言伐人之喪不祥所以敗也成七年傳中國不振旅蠻夷入伐而莫之或恤無弔者也夫詩曰不弔昊天亂靡有定其此之謂乎有上不弔其誰不受亂亦謂中國無善君則諸侯皆受其亂也善君謂霸主病酒曰醒說文醒也成平也縣同○胡一桂曰秉國成天不之恤故亂未有所止而禍患與歲月增長誰秉國成者乃不自為政而以付之姻亞之小人以至此也○馬曰卒者瘁之假借卒亦勞也○陳曰勞猶病也○許曰六章承上言尹氏不但不能弭天變抑且生禍亂下四句則應前第四章而又起下欲遁逃之意

駕彼四牡四牡項領我瞻四方蹙蹙子六靡所騁丑郢

項大也

陳曰凡從工聲字多訓大如仁仕堆之例○新序駕彼四牡四牡項領夫久駕而長不行

項領不亦宜乎○昶按四牡項領箋申傳謂馬不肯為用失之而今但養大其領則是也蓋詩言四方靡所騁故馬以久逸而項領乃避禍無所憂亂之詞劉子政所說最得其旨諸家引詩多致慨於懷才莫

用乃推廣言之
騁極也鄭曰蹙蹙然雖欲馳騁無所
非以解經也
極至是與傳同
許曰
七章言欲遁無所往

方茂爾惡去息亮
爾矛矣既夷既懌音如相醺反

矣

茂勉也陳曰說文懌勉也茂與懌通相視也○和按

爾如干懌服也釋詁文○和按夷即君子既夷之夷

民服如相醺報矣此章申說第五
章之義以啓末二
章見民之向背無定故作詩以冀其懲改也舊解多

誤

昊天不平我王不甯不懲其心覆芳服怨其正

正長也釋詁文○王肅曰覆猶背也師尹不定其心
邪僻妄行故下民皆怨其長○和按小民背

怨其上則不甯矣所謂王誡也然皆由長民者不懲止其心所致故先呼而愬之曰昊天其不平乎我王其不甯乎上之人皆不懲其心矣下之人皆覆怨其正矣此章承第八章上二句是戒詞

家父作誦以究王誡式訛

五戈反

爾心以畜萬邦

博工反

家父大夫也

陳曰家父周大夫食采於家以邑爲氏者也十月之交篇有家伯是家父之族

春秋周桓王時有家父或卽家父之後歟何休公羊注家采地父字是也說文誦諷也○鄭曰訛化也畜

養也○陳曰訛當作吡破斧傳吡化也陸賈引出此詩而釋之云言一心化天下而國治是西京舊訓亦

以吡爲化也○昶按以究王誡者言窮究王之訟端也多訟由於無化欲化天下必先化爾心一心化而

天下之國皆治是心者政之本也此章承第八章下二句是勉詞

節南山十章六章章八句四章章四句

孔叢子於節南山見

忠臣之憂世也○呂曰左傳韓宣子來聘季武子賦節之卒章此詩在古止名節○胡曰十月之交

箋云節刺師尹不平亦單稱節祇是便文無關義例

正音月大夫刺幽王也

正月繁霜我心憂傷民之訛言亦孔之將念我獨兮憂

心京音哀我小心音癘音憂以瘳

正月夏之四月

鄭曰建己之月純陽用事而霜多急恆寒若之異○孔曰昭十七年夏六

月甲戌朔日有食之平子曰唯正月朔慝未作日有食之於是乎有伐鼓用幣其餘則否太史曰在此月也經書六月傳言正月大史謂之在此月是周之六月爲正月也周六月是夏四月○陳曰漢書五行志引古左氏說正月謂周六月夏四月正陽純乾之月傳正本左氏汪遠孫說淮南子冬雷夏霜卽引此詩與傳
繁多也陳曰繁者繇之俗將大也釋詁文○訛字公劉箋繇多也
劉向曰霜降失節不以其時其詩曰正月繁霜我心憂傷民之訛言亦孔之將言民以是爲非甚衆大也

京京憂不去也

釋詁憂也

○鄭曰念我獨兮言我獨

不能

去 癘瘁皆病也

釋詁文

○陳曰爾雅釋文詩作鼠

敬天之變也心傷繁霜既病於憂矣又以訛言衆

父母生我胡俾我瘳

容口反

不自我先不自我後好言自

口莠

餘九反

言自口憂心愈愈

容口反

是以有侮

莫厚反

父母謂文武也

陳曰小宛傳先人文武也雲漢傳先

按食毛踐土所以爲生也二章曰念我無祿末章又

曰民今之無祿是言天下窮困民不聊生也故知此

生我謂我我天下刺不專爲己故謂天下之心爲之怨

病也

釋詁文○胡曰言自文武以來休養涵濡之久

仰亦云不自我先不自我後其下即曰

莠醜也陳曰

無忝皇祖遭時變而呼先王與此同

疊韻○昶按愈愈憂懼也馬曰釋訓痾痾病也即詩好言猶甘言愈愈憂懼也愈愈之異文漢書痾死顏注痾字作瘵○鄭曰我心憂政如是是與訛言者殊塗故用是見侵侮也○季本曰此章言己適當訛言之爲害而不能避也

憂心惓惓其營反念我無祿民之無辜并其臣僕哀我人

斯于何從祿瞻烏爰止于誰之屋

惓惓憂意也陳曰惓當作惓說文惓或從心作惓爾雅惓惓憂也○昶按無祿猶言無食

古者有罪不入於刑則役之園土以爲臣僕孔曰罪

重者入於肉刑輕者役於園土今無罪亦令與有罪同役故言并也○陳曰臣僕

即罪人爲役者微子商其淪喪我罔爲臣僕晏子越石父曰吾爲人臣僕於中牟史記則云在縲紲中此

罪人爲臣僕之證富人之屋烏所集也馬曰此承上于何從祿言舉世皆將窮困

不知鳥何所止耳○昶按晉語暇豫之吾吾不如鳥
鳥人皆集於苑己獨集於枯是鳥集富人之屋古有
此語郭林宗哭陳蕃寶武既而歎曰人之云亡邦國
殄瘁但不知瞻鳥爰止於誰之屋耳亦自傷國將亡
無所歸依與毛略同李注
不知王業當何所歸非是

瞻彼中林侯薪侯蒸民今方殆視天夢夢莫勝反既克有

定靡人弗勝音升有皇上帝伊誰云憎

中林林中也免置同薪蒸言似而非鄭曰侯維也林中

薪蒸爾喻朝廷宜有賢者而但聚小人○韓詩
外傳瞻被中林侯薪侯蒸言朝廷皆小人也王者

爲亂夢夢然抑傳夢夢亂也○鄭曰氏今且危亡視
王者所爲反夢夢然而亂○昶按傳必

云王者蓋詩詞指天而其意勝乘也陳曰勝乘疊韻
則斥王非真謂天之夢夢也○朱曰此特值

其未定之時耳及其既定未有不爲天所勝者也
申包胥言人衆則勝天天定亦能勝人疑出於此皇

君也

釋詁文○馬曰天如有止亂之心則此訛言之小人無不能勝之者乃天能訛人而不肯止亂

不知天意果誰憎乎此詩人念亂而反覆推測故作不解之詞

謂山蓋卑爲岡爲陵民之訛言甯莫之懲召彼故老訊

音信之占夢具曰予聖誰知烏之雌雄

在位非君子乃小人也

陳曰傳意山喻位卑喻小人蓋讀同盍何也謂山蓋卑言

山何卑也○昶按人言山之卑寔則爲岡爲陵不卑也蓋小人在位位雖高而望損祇覺其卑耳說文岡山脊陵大阜皆以喻高也上章侯薪侯蒸言其似材而非材此章爲岡爲陵言其雖高而不高小人爲世所賤惡如此而曾莫之懲何也○姚舜牧曰執政而虐又欲箝天下之口故造此姦僞之言不曰執政而曰民者不故老元老陳曰故老猶言孤訊問也陳曰敢斥言也故老元老陳曰故老猶言孤訊問也陳曰聘王夢注聘問也古者有問夢之事召元老問占夢洪範所謂謀及卿士也○昶按上自元老下至占夢

乃大率之詞非君臣俱自謂聖也陳曰十月之交傳

知臣指皇父而君刺君王鄭曰時君臣賢愚適同

如鳥雌雄相似誰能別異之乎孔叢子子思謂衛

君曰君之國事將日非矣君出言自以為是而卿大

夫莫敢矯其非卿大夫出亦自以為是而士庶人

莫敢矯其非君臣既自賢矣而羣下同聲賢之賢之

則順而有福矯之則逆而有禍如此則善安從生詩

曰具曰予聖誰知鳥之雌雄抑亦似衛之君臣乎

謂天蓋高不敢不局謂地蓋厚不敢不踣井亦維號斯

言有倫有脊哀今之人胡為虺暉鬼蜴星歷反

局曲也陳曰局曲疊韻文選踣累足也說文足部引

步也走部引詩作踣云側行也陳曰踣累疊韻蓋

高蓋厚言天何高地何厚也說苑孔子論詩至於

正月懼然曰不逢時之君子豈不殆哉從上依世則

廢道違上離俗則危身詩曰謂天蓋高不敢不局謂

地蓋厚不敢不踣此言上倫道說文脊理也春秋繁露云是

非之正取之逆順逆順之正取之名號凡而略名號之正取

之天地天地為名號之大義也號凡而略名號之正取

目者徧辨其事也凡者獨舉其事也物莫不有凡號

號莫不有散名各各順于天天人之際合而為一同

而通理動而相益順而相受謂之德道詩曰維號斯

言有倫有迹此之謂也○馬曰名號對文則異散文

則通維號斯言即論語名之必可言也之義幽王寵

褒姒則適妾不分信訛言則是非不辨名號之不正

也久矣故詩取正名之義以刺之有倫有脊即正名

之本繁露作迹玉篇迹理也○昶按無號之言是訛

言也此以刺當時之臣

政

蜴

蜥

蜴

蜥

蜴

蜥

蜴

蜥

蜴

蜥

蜴

蜥

蜴

蜥

蜴

蜥

蜴

蜥

蜴

瞻彼阪

反音

田有苑

鬱音

其特

天之

抗

反五

忽

我如

不我

克彼

瞻

彼

阪

反

音

田

有

苑

鬱

求我則如不我得執我仇仇亦不我力

言朝廷曾無傑臣

鄭曰阪田崎嶇境垆之處而有苑然特茂之苗喻抗者在閑辟隱居

之抗動也

攷工記則是以大抗注抗搖動貌○朱曰時抗動也瞻彼坂田猶有苑然之特而天之抗我如

恐其不我克何哉亦無所歸咎之詞也○鄭曰王之始徵求我如恐不得我○馬曰則字爲句末語助

仇仇猶警警也

釋訓仇仇敖敖傲也郭注皆傲慢賢者○胡曰荀子貌執之士者百有餘

人注執猶待也以禮貌接待之士然則執我猶言待我矣○馬曰功力謂之力用其力亦謂之力不我力

即不我用緇衣引此詩注云亦不力用我是也緇衣又引君陳曰未見聖若己弗克見既見聖亦不克由

聖注由用也與此同義

心之憂矣如或結之今茲之正胡然厲矣燎力詔反之方

揚甯或滅之赫赫宗周褒補毛反

似音威呼悅之

孔曰心不離憂厲惡也桑柔同○朱曰正政也我心如物之纏結

故也○陳曰胡滅之以水也陳曰說文燎放火也甯何也然猶是也

盛滅必以水今於何有也隱六年傳商書曰惡之易也如火之燎于原不可鄉邇其猶可撲滅言不可撲

滅也惡萌易滋而以燎火難滅為喻訓厲為惡正本左傳○昶按以厲惡之日滋故知宗周之將滅燎火

以喻厲政非宗周鎬京也陳曰幽王在鎬褒國也注褒

水南逕褒縣故城東褒中縣也本姒姓也史記禹為

褒國矣按漢褒中縣屬漢中郡姒姓其後分封用國為威滅也陳曰以今有褒國之女幽王惑

焉而以爲后詩人知其必滅周也孔曰於時宗周未

迹見微知著也○陳曰褒姒滅周莫詳於國語史伯

告鄭桓公云褒人褒姒有獄而以女入於王王遂置之而嬖是女也使至於爲后而生伯服是褒女爲后之事也又曰王欲殺大子以成伯服必求之申申人

弗界必伐之若伐申而繒與西戎會以伐周周不守
矣幽王八年而桓公爲司徒九年而王室始騷十一
年而斃韋注騷謂適庶交爭亂虐滋甚是卽滅周之
事也史記言幽王三年王之後宮見褒姒而愛之生
子伯服是立后當在四五年間六年而遭日食之變
大夫作十月之交以刺之至王欲放殺大子而其傳
作小弁之詩自在九年中事此傳但云立
后不及殺大子當與十月之交先後同作

終其永懷又窘

求隕反

陰雨其車旣載

才再反

乃棄爾輔載

如字輸爾載

才再反

將

七羊反伯助予

窘困也

韓詩迫也○

蘇曰王爲淫虐譬如行險而不

其永懷又窘

陰雨○○視按下章終

大車重載又棄其

輔陳曰輔者揜輿之版

大東傳箱大車之箱也方言

則輔卽箱矣

軸者大車揜版置諸兩

將請子同伯長

旁可以任載棄其版則所載必墮

也釋詁文○鄭曰輸墮也棄女車輔則墮女之載乃請長者見助以言國危而求賢者已晚矣

無棄爾輔員音于爾輻反方六屢顧爾僕不輸爾載音終

踰絕險曾是不意

員益也胡曰說文員物數也凡物之數多而後見左傳物生而後有象象而後有滋滋而後有數

滋者益也員為物數故有益義○陳曰荀子轂已破碎乃大其輻事已敗矣乃重大息楊注大其輻謂壯

大其輻也易壯于大輿之輹釋文本又作輻壯者大也益與大義相近○鄭曰屢數也顧猶視也終是用

踰度陷絕之險女不會以是為意乎以商事踰治國也○昶按終踰絕險言終當經歷絕險不可不豫圖

所謂永終知敝也是此詩作於宗周未滅之前矣○中論無棄爾輔員于爾輻屢顧爾僕不輸爾載親賢

求助之謂也

魚在于沼之紹反亦匪克樂音洛潛雖伏矣亦孔之炤音憂

心慘慘念國之爲虐

沼池也

靈臺同○昶按魚以喻民魚雖伏於池沼而其情志之不自得亦甚昭然故中庸引之以

證君子內省不咎無惡於志

慘慘猶戚戚也

陳曰慘當作慄抑慄

憂也○方苞曰民生狹隘已無可樂其思亂之情雖若隱伏而循數推理亦甚昭然可見奈何復爲虐不使動乎

彼有旨酒又有嘉殽

戶交反洽比毗志反

其鄰昏姻孔云念

我獨兮憂心慙慙

音殷

言禮物備也

釋文穀作肴○陳曰都人士傳彼彼明王也

洽合

版同○左傳作協

鄰近

陳漢章曰

云旋也

陳曰說文云象回轉之意旋即還也此陳

古燕享之禮禮物既備同異姓具在王者有親親及遠之道焉僖廿二年傳引詩協比其鄰昏姻孔云富

辰釋之云吾兄弟之不協焉能怨諸侯之不睦兄弟
謂鄰諸侯謂昏姻襄二十九年傳引詩子太叔釋之
云晉不鄰矣其誰云之言晉不親近諸姬則是言王
諸侯其誰旋歸之乎毛傳與左傳辭意正合是言王
者不能親親以及遠則釋下二句不鄰不云所謂獨
也慤慤然痛也陳曰念念今也爾雅慤慤憂也

此此音彼有屋蔌蔌音速方有穀民今之無祿天天於北

是陟角反是哥我反矣富人哀此惻獨

此此小也釋訓文○說文引作恂蔌蔌陋也韓詩作速○說文

曰穀祿也此言小人君天之陸曰天在位召旻

天天極也○焦循曰傳以天為君是為在位是字指上
有屋有穀之人也民之無祿既由君害之又即是蔌

蔌方穀之人極之哥可也王引之曰哥與哀相對為文哀者

之稱故箋云富人獨單也禮記注單獨也○孟子老

已可憫獨將困寡老而無子曰獨幼而無父曰孤此四者天下之窮

民而無告者文王發政施仁必先斯四者詩云哿矣富人哀此煢獨

正月十三章八章章八句五章章六句朱子以四

興餘皆此賦

十月之交刺幽王也李樗曰唐書志云十月之交以曆推之在幽王之六年

十月之交朔月辛卯莫西反日有食之亦孔之醜彼月而

微此日而微今此下民亦孔之哀音衣

之交日月之交會鄭曰周之十月夏之八月也八月朔日日月交會而日食陰侵陽臣

侵君之象陳曰昭七年傳日月之會是謂辰故以配日杜注一歲日月十二會所會謂之辰是謂日月

之會也朔在日月之會今新法測日食者先求食限
食限在兩交曰中交曰正交黃白二道相交之度亦
曰交行去交近則食遠則否是謂日月之醜惡也說
交會也朔月月朔也朔月辛卯辛卯朔也醜惡也文
醜可惡也○陳曰謂當受其凶惡也左傳問於士文
伯曰誰將當日食對曰魯衛惡之正傳所本管子日
食則失德之國惡月臣道曰君道鄭曰微謂不明也
之亦與傳訓同起故下民亦甚可哀○陳埴曰日蝕月蝕自是行度
分道到此交加處應當如是曆家推算專以此定疎
密本不足為變異但天文纔遇此際亦為陰陽厄會
於人事上必有災戾故聖人畏之側身修行庶幾可
弭災戾也

日月告凶不用其行戶郎反四國無政不用其良彼月而
食則維其常此日而食于何不臧

鄭曰告凶告天下以凶亡之徵也行道度也不用之
者謂相干犯也四方之國無政治者由天子不用善

人也臧善也○孔曰昭七年傳晉士文伯曰國無政不用善則自取謫於日月之災故政不可不慎也○韓詩外傳云不用其良臣而不亡者未之有也○後漢書左雄上疏言幽厲昏亂不自為政衰豔用權七子黨進賢愚錯緒深谷為陵故其詩云四國無政不用其良○胡曰步算家言日食前後月必當食故曰彼月而食則既視為常事矣此日而食則一何不臧之甚維常者詩人所以刺時之自以為常也

燄燄

于輒反

震電

申聲

不甯不令

盧經反

百川沸

弗聲

騰山冢

峯

同

崩高岸為谷深谷為陵哀今之人胡憯

七感反

莫懲

燄燄震電貌

說文引詩云盛也

震雷也

穀梁傳文○鄭曰雷電過常天下不安政

教不善之徵

沸出

采菽傳盛貌

騰乘也

韓詩同○陳曰騰讀為滕玉篇滕水上涌

也乘與陸義相近

山頂曰冢

釋山山頂冢○馬曰峯崩與沸騰相對成文峯即碎之借廣雅

碎崩並訓為壞是也國語幽王二年西周三川皆震伯陽父曰周將亡矣是歲也三川竭岐山崩與此詩

所言言易位也昭三十二年傳史墨曰社稷無常奉君臣無常位自古以然詩曰高岸爲

谷深谷爲陵三后之姓於今爲庶主所知也○陳曰荀子以族論罪以世舉賢雖欲無亂得乎其下即引此詩亂即易位荀子義同也○朱曰是宜恐懼修省改紀其政而幽王曾莫之懲也董子曰國家將有失道之敗而天乃先出災異以譴告之不知自省又出怪異以警懼之尚不知變而傷敗乃至此見天心仁愛人君而欲止其亂也○謝枋得曰不指幽王而曰哀今之人微而婉也

皇父音甫卿士番維司徒家伯維宰仲允膳夫聚側留子

內史蹶俱衛反維趣七走反馬音姥橘音矩維師氏豔妻煽音扇方

處

鄭曰皇父家伯仲允皆字番聚蹶橘皆氏六人之中官有尊卑權寵相連朋黨於朝廷是以發焉皇父則爲之端首兼擅羣職故但目以卿士云○陳曰士事也卿士主掌六卿之事三公中執朝政者鄭語史伯

曰號石父讒諂巧從之人也而立以為卿士與刺同也棄聘后而立內妾好窮固也侏儒戚施寔御在側近頑童也周法不昭而婦言是行用讒慝也不建立卿士而妖試幸措行暗昧也史伯說幽王時事與此詩正同疑皇父即號石父○又曰鄭語幽王八年鄭桓公友為司徒詩作於六年為司徒者是番也古今人表作司徒皮韓詩作繁○又曰周禮宰夫下大夫四人鄭司農注宰夫主諸臣萬民之復逆故詩人重之曰家伯維宰案仲師治毛詩以此宰為宰夫當是毛詩古說春秋宰咺服虔注咺天子宰夫此亦宰夫稱宰之證人表作大宰家伯○又曰周禮膳夫上士二人鄭司農以詩說之曰仲允膳夫人表作中術○又曰周禮內史中大夫一人掌王八枋之法凡命諸侯及孤卿大夫則策命之人表作輶子○又曰周禮趣馬下士阜一人徒四人鄭司農以詩說曰蹶為趣馬○又曰周禮師氏中大夫一人鄭司農以詩說曰人表作萬潛夫論作蹶 豔妻褒姒美色曰豔胡曰人表作萬潛夫論作蹶 豔妻褒姒美色曰豔天子八十一御妻不必正后乃得名妻况幽王既出申后固嘗立褒姒為后矣云美色曰豔正著其以色升而

非以德選也谷永上書有云昔褒姒用國宗周以喪
閭妻驕煽日以不滅又云絕驕嫚之端抑褒閭之妻
此書屢用十月詩中語而惟言幽王並不及厲其以
褒姒閭妻對舉祇是一人一事相儷為詞古人多此
文例閭豔煽熾也說文引詩作偏云熾盛也○昶按
古字通煽熾也諸臣由內寵而進是豔妻之勢熾
於天下方處猶言寔區方內○朱曰言所以致變異
者由小人用事於外而嬖妾蠱惑王心於內以為之
主故也

抑此皇父豈曰不時胡為我作不即我謀音徹我牆屋

田卒汚

音鳥萊音

釐曰予不戕

反在良

禮則然矣

王引之曰抑發語詞與
意噫億謏聲義並同

時是也

釋詁文○鄭曰噫是
皇父疾而呼之女豈

曰我所為不是乎言其不自知惡也○昶按傳下則
不訓為農時者皇父之虐民非獨奪民時也

汚上則萊

孔曰汚者池停水之名萊者草穢之名下
田可種稻無稻則為池高田可種禾無禾

則生草○鄭曰女何爲役作我不先就與我謀使我
得遷徙乃反徹毀我牆屋令我不得趨農田卒爲汚
萊乎此皇父所築邑人之怨辭我殘也言皇父旣不
自知不是反云我不殘敗女田業禮下供上役其道
當然言文過也○彰執中曰三代之君不敢鄙夷其
民以從己之欲每有興作謀及庶人盤庚遷殷登進
厥民而告之三代世守此道故
詩人曰胡爲我作不卽我謀

皇父孔聖作都于向

平聲

擇三有事亶侯多藏

平聲

不慙魚

反遺一老俾守我王擇有車馬以居徂向

皇父甚自謂聖

王安石曰因其自聖而譏之

向邑也

孔曰左傳說桓王與鄭十

二邑向在其中杜預云河內軹縣西有地名向上則向在東都之畿內也○胡曰桓王與鄭之向寰宇記

云今懷慶府濟源縣西南有向城者也又襄十一年諸侯伐鄭師于向方輿紀要云在開封府尉氏縣西

南皇父所居

當有一於此擇三有事有司國之三卿陳啓源曰信

維多藏之人也

鄭曰專權足已自比聖人作都立三卿皆取聚斂之臣言不知厭也禮畿

內諸侯二卿○孔曰大宰云乃施則于都鄙而建其長立其兩設其伍注云兩謂兩卿伍謂大夫言都鄙是畿內故王制注云畿內之國二卿是也其伍大夫與畿外同言此者明皇父當二卿今立三有事是自同畿外增一卿以比列國也○胡曰此疏雖釋箋然曰自同畿外曰以比列國即依傳有同國之三卿爲文○陳漢章曰說文愁一曰甘也即且也之誤不愁即不且故左傳不愁遺一老杜注愁且也徂往也釋詞云居語助○孔曰朝臣皆有車馬無所可擇故擇民之富有者強偏將之所以刺其貪也○昶按鄭語史伯曰號石父讒詔巧從之人也而立以爲卿士與刺同也即第四章所云皇父卿士是也又曰不建立卿士而妖試幸措行暗昧也即此章所云不愁遺一老是也蓋皇父徂向之後仍遙制朝政不復建立卿士詩紀其事言婉而諷證之國語號石父即皇父無疑大也石同碩亦大也

黽反

民允

勉從事不敢告勞無罪無辜讒口囁囁

五刀下反

民之孽

魚列反

匪降自天

汀音

噂

子損反

沓

達音

背憎職競由人

劉向曰君子獨處守正不撓衆枉勉彊以從王事則反見憎毒讒愬故其詩曰密勿從事不敢告勞無罪

無辜讒口訾訾○陳曰龜勉密勿一聲之轉版傳云囂囂猶警警也韓詩作警劉向作訾潛夫論引作敖

字並噂猶噂噂沓猶沓沓說文引詩云噂聚語也又作傳云聚也廣雅傳傳衆

也○說文沓語多沓沓也蕩箋其笑語沓沓如湯之沸羹之方孰○鄭曰孽妖孽謂相爲災害也噂噂沓

沓相對談語職主也釋詁文○鄭曰亦民有此言非從天墮也逐爲此者主由人也

○孔曰猶人走相追逐唯恐不先言其競爲之甚也○胡曰凡主相爭逐爲其事者古語蓋謂之職競見

襄八年及哀二十三年傳

悠悠我里亦孔之瘁

莫背反

四方有羨

似面反

我獨居憂民

莫不逸我獨不敢休天命不徹

直質反

我不敢傲我友自

逸

悠悠憂也

陳曰爾雅思也思與憂義近

里病也

陳啓源曰爾雅悝病也邢疏引此詩

以證云里悝音義同伯兮心痠傳已有釋故此詩祇訓里字孔述毛云為此而病指里也亦甚困病矣指

孔羨餘也

陳曰小司徒職以其餘為羨鄭司農生羨餘也餘者有餘於財我獨居憂言我獨憂

也居為語助○

徹道也

陳曰釋訓不適不蹟不徹不道也○不適者即日月篇之報

我不述也毛詩當作通通古述字不蹟者即河水篇之念彼不蹟也不徹者即此篇之天命不徹也並見

於詩故統釋之云不道也今爾雅不蹟下衍一也字為不可通矣

親屬之臣心不能

己陳曰天之令不循道而行遂有日食震雷之變所謂昊天疾威天篤降喪也親屬之臣心不能己故

不敢傲友之逸豫所謂敬天之怒無敢戲豫也○蘇曰所謂知其不可而為之者也

十月之交八章章八句

朱曰賦也○歐陽曰鄭謂此詩為刺厲王者以幽王

時鄭桓公友為司徒而非番襄姒非王后不得稱妻按幽王八年始以友為司徒安知其前非番也史記載厲王事惟云好專利任用夷公又使衛巫監謗而於豔妻不之及則其為臆說誣妄甚矣○蘇曰鄭以為厲王詩毛公遷其第因改之耳漢儒異師相攻甚於仇讎毛誠改詩第則他師將不肯信而韓詩之次與毛詩合此足以明其非厲王也

雨無正大夫刺幽王也雨自上下者也衆多如雨而

非所以為政也孔曰經無此雨無正之字作者為之立名雨從上而下於地猶政教從王

而下於民而王之政教衆多知雨事皆苛虐而非所以為政教之道故刺之○馬曰讀詩記引韓詩章句

雨無政無衆也政即正也足證毛韓同義

浩浩昊天不駿其德降喪饑饉其斬斬伐四國昊唐石經依

鄭箋作昊天疾威弗慮弗圖舍彼有罪既伏其辜若此無罪

淪胥以鋪

駿長也

釋詁文○胡曰謂皇天無親不能長施不德惠於人長與常同即天命靡常之意穀不

孰曰饑䟽不孰曰饑

釋天文○朱曰疾威猶暴虐慮圖皆謀也如何旻大曾不思慮

圖謀而遽為此乎

舍除也

蘇曰置而不疑可也○和按舍彼若此對文除彼有罪者不計外若

此無罪者何

淪率也

釋言文○王肅曰鋪病也○王引之曰淪薰聲相近毛詩作淪韓詩作薰

而同訓為率淪胥以鋪謂相率而入於罪入於罪則病苦江漢傳鋪病也韓詩作痛本字毛詩作鋪借字

○鹽鐵論引詩云傷無罪而累也

周宗既滅靡所止戾正大夫離居莫知我勩

夷世反

三事

大夫莫肯夙夜

音豫

邦君諸侯莫肯朝夕庶曰式臧覆出

為惡

鳥路反

戾定也

桑柔同○王肅曰周室為天下所宗其道已滅將無所止定○孔曰周宗宗周也文雖異

而義同言鎬京也○王安石曰方是時周未滅而曰既滅者其滅之形成故也勩勞也釋詁文○

王肅曰長官大夫奔走竄伏我勞病莫之知也○陳曰正長也般庚今我民用蕩析離居罔有定極文十

六年傳百濮離居將各走其邑並與詩離居同左傳引詩作肄○胡曰正大大夫指六卿之長其中即兼三

公三事大夫疑為在內卿大夫之總稱對下邦君句為在外諸侯之統稱立政任人準夫牧作三事任人

謂任事之官準夫謂平法之官牧謂養民之官作三事者言作此三事其下虎賁綴衣至亞旅皆有此三

事之責者○陳曰夙夜謂早朝夕謂晚起以從事也夙夜謂早朝夕謂晚覆反也桑柔同

法度既滅君臣解體我庶幾曰王今國危如此當改用善人而王反出為惡政以害天下

如何昊天

汀音

辟言不信如彼行邁則靡所臻凡百君子

各敬爾身胡不相畏不畏于天

辟法也

釋詁文○鄭曰如何乎昊天痛而慙之也爲陳法度之言不信之也我之言不見信如行

而無所至也○昶按不信法言則行無標準非所以爲政也○朱曰不敬爾身不相畏也不相畏不畏天

也○文十五年傳季文子曰齊侯其不免乎己則無禮而討於有禮者曰女何故行禮禮以順天天之道

也己則反天而又以討人難以免矣詩曰胡不相畏不畏于天君子之不虐幼賤畏于天也

戎成不退飢成不遂曾

反在登

我誓

思列

御憚憚

七感反

瘁

徂醉反

凡百君子莫肯用訊

息瘁反

聽言則答譖言則退

戎兵

說文同○馬曰不退卽指敵言謂外患熾而敵勢強也

遂安也

陳曰遂有成就之義

故訓爲安天降饑饉民無所安定也成讀爲誠誠不爲句中之詞

誓御侍御也

朱曰近侍

也國語居寢有誓御之箴蓋如漢侍中之官○胡曰此詩自是誓御之臣所作而序云大夫刺幽王則誓

御未必是小臣之稱楚語韋注褻近也嵩高王命傳御傳云御治事之官也則此誓御當是近臣之治事

者故云遭亂世義不得
去○陳曰曾猶則也 瘁病也瞻仰同○孔曰曾我

之危殆惛惛然日以憂病其凡衆在位之君子無肯
用此事以告王者○顧炎武曰訊當作諄與墓門同

以言進退人也○馬曰聽有順從之意說文從相聽也
○昶按聞順從之言則答而進用之

受譖毀之言則黜退其人幽王喜順從之言又喜譖
毀之言宜君子退而小人進也○賈山曰秦退誹謗

之人殺直諫之士是以道諛嬗合苟容天下已潰而
莫之告也詩曰聽言則對譖言則退○新序齊宣王

謂閭邱卬曰子有善言何見寡人之晚也對曰夫雞
豚謹噉則奪鐘鼓之音雲霞充咽則奪日月之明讒

人在側是以見晚也詩曰聽言
則對譖言則遂退庸得進乎

哀哉不能言匪舌是出反尺遂維躬是瘁哿矣能言巧言

如流俾躬處休

哀賢人不得言陳曰得能聲不得出是舌也昶按是

轉而義相近

聽言譖言皆所謂巧言也世譏其不能
言實則賢人自戒勅不得出是舌耳 舒可也正月

可矣世所謂能言也陳啓源曰夫曰世所謂巧言

從俗如水轉流潛夫論詩傷巧言如流俾躬處休言

叔向曰君子之言信而有徵故怨遠於其身小人之

言僭而無徵故怨咎及之下引此詩爲證蓋叔向引

詩取其義而不泥其辭世所譏不能言之君子其躬

雖病而非詩人之所刺故曰怨遠於其身能言之小

人躬雖處休而詩人刺其巧言如流故曰怨

咎及之杜注孔疏皆不得其解而強爲之說

維曰于仕孔棘且殆云不可使得罪于天子亦云可使

怨及朋友以音

于往也桃夭同○昶按釋詁使從也不可使不可從

人欲招其朋友之賢者返國夫亂世出仕誠不免有

危身之患故曰孔棘且殆若聽其長往不出則國事

節南山

三

愈壞是得罪於天子也亦云可出則羣小忌之又使朋友叢怨故曰怨及朋友非謂朋友之怨己也此章權衡於君臣朋友之間而審所處以啓下章之義仍以救國爲重也

謂爾遷于王都曰予未有室家音姑鼠思泣血無言不疾

昔爾出居誰從作爾室

賢者不肯遷于王都也

胡曰遷者移徙之名自王都出固可謂之遷卽其自他去

而還亦可謂之遷曲禮坐而遷屨注遷或爲還○和按曰予未有室家此所謂微言也賢者知國之將亡室家將不保矣故不肯還都而託辭以見意無聲曰泣血說文無聲出涕曰泣○馬曰說

苑下蔡成公閉門而哭三日三夜泣盡而繼以血是泣真有流血者因通言泣之甚者爲泣血○鄭曰鼠憂無所言而不見疾也和按鼠思二句詩人反復憂也然矣然又安所逃哉無補徒取憎疾是誠遭亂世義不得去思其友而不

肯反者也

昶按爾爾賢友也思爾出居而不肯反以謂王都危矣然而天下滔滔皆是又安有

可以庇身之室乎言外仍望其復反自來說者皆未得其微旨○胡曰上篇我不敢倣我友自逸傳親屬

之臣心不能已此章傳云思其友而不肯反可見二篇實一時之事此篇之朋友即上篇之我友也幽王

之時亂形孔亟鄭桓公尚寄斃號鄭為逃死之計其不去者必實有義不得去之故此等傳義毛公當有

師承斷非望文衍說也

兩無正七章二章章十句二章章八句三章章六

句

朱曰賦也

小旻大夫刺幽王也

陳曰小旻猶小明也彼箋云言幽王曰小其明損其政事以至

亂於

旻天疾威敷于下土謀猶回遹

音聿

何日斯沮

反在呂

謀臧

不從不臧覆用

平聲

我視謀猶亦孔之邛

其凶反

敷布也

說文作專○陳曰旻天廣幽王疾威二字平列猶亦謀也單言猶彙言謀猶下兩言謀猶

同三章不我告猶傳猶道也以別上文之謀猶也回四章匪大猶是經傳猶道也以別上文之為猶也回

邪馬曰說文窶窶也窶窶也回即窶之段通辟也陳借厥德不回傳回違也違亦窶之借字

辟古僻字韓詩作回獸文沮壞也陳曰壞毀也言不選注作回穴又作次並同

和按斯指邛病也巧言箋同○姚舜牧曰亦孔之邛下土也

滄滄音訛訛紫音亦孔之哀於希反謀之其臧則具是違謀

之不臧則具是依我視謀猶伊于胡底

滄滄然患其上

馬曰爾雅翕翕訛訛莫供職也郭注賢者陵替姦黨熾背公卹私曠職事

方言翕熾也郭注姦黨熾正釋翕翕二字○和按劉向曰衆小在位而從邪議歛歛相是而背君子引詩

欽欽訛訛爲證惟其翁訛訛然不思稱乎上陳曰各合故熾盛毛劉義同也本作思
不惟正義不誤說文訾訾不思稱意也字林訛訛不思稱乎上之意皆用毛傳韓詩滄滄訛訛不善之貌
馬曰召旻傳訛窳不供事也說文訛窳也窳賴也
毛蓋讀訛如訛荀子引詩喻喻訛訛毛釋訛與荀同
○鄭曰謀之善者俱背違之其不善者依就之將何所至乎言必至於亂

我龜既厭不我告猶謀夫孔多是用不集讀就發言盈廷

誰敢執其咎如匪行邁謀是用不得于道徒首反

猶道也孔曰我龜既厭繁數不肯於我告其吉凶之道也集就也韓詩作就

八年傳引詩杜預注亦云集就也集就並與成同謀義左傳謀之多族民之多違事滋無成即其義也

人之國國危則死之古之道也鄭曰謀事者衆訕訕

非事若不成誰云己當其咎責者言小人爭知而讓過匪非也君臣之謀事如此與不行而坐圖遠近是

於道路無進於跬步何以異乎○胡曰
謂不行而欲遠謀也說文邁遠行也

哀哉爲猶匪先民是程匪大猶是經維
言是爭如彼築室于道謀是用不潰于成

古曰在昔昔曰先民

魯語文

程法

陳曰程訓法連言之曰法程

經常

陳曰經訓常連言之曰經常

猶道

鄭曰哀哉今之君臣謀事不循大道之常

近也

陳曰中庸舜好問而好察邇言鄭注邇近也邇言難察維邇言是聽則不好察之矣爭爲

近言

胡曰上之人維邇言是聽則下爭爲邇言以迎之邇言所謂肉食者鄙不能遠謀也鹽鐵論云

鬲水都尉所言當時之利權一切之術也不可以久行而傳世此非明王君國子民之道也詩曰哀哉爲猶匪先民是程匪大猶是經惟邇言是爭此詩人刺不通於王道而善爲權利者此釋邇言甚明○昶按
匪先民是程謂建言者匪大猶是經
謂聽言者是聽是爭分承上二句
潰遂也召旻傳同○鄭

曰如當路築室得人而與之謀所為路人之意不同故不得遂成也

國雖靡止或聖或否民雖靡臚

反火吳

或哲或謀音或肅

或艾音如彼泉流無淪胥以敗

靡止言小也

所止無止故言小

人有通聖者

說文

也有不能者

孔曰謂不能為聖○釋文靡臚韓詩作靡臚猶無幾何○王肅曰臚大也無大

有人言少也國雖小亦有明哲者有聰謀者艾治也

爾雅有恭肅者有治理者

鄭曰書曰睿作聖明作哲聰作謀恭作肅從作又詩

人之意欲王敬用五事故云然淪率也○朱曰王不用善則雖有善者不能自存將如泉流之不反而淪

胥以至於敗矣○嚴曰言賢愚將同受其禍也○王引之曰無發聲也無淪胥以敗淪胥以敗也○

不敢暴虎不敢馮皮冰

反

河人知其一莫知其他

湯何戰

戰兢兢如臨深淵如履薄冰

馮陵也

陳曰馮陵疊韻說文凌越也凌與陵通溯無舟渡河也繫傳引詩作溯

徒涉曰

馮河徒搏曰暴虎

釋訓暴虎徒搏也馮河徒涉也

一非也

孔曰言唯知此暴虎

馮河一事非而不知其他事也

他不敬小人之危殆也

鄭曰人皆知暴虎馮河立

至之害而無知當畏慎小人能危亡也

陳曰荀子

人賢而不敬則是禽獸也人不肖而不故則是狎虎

也禽獸則亂狎虎則危災及其身矣詩曰不敢暴虎不敢馮河人知其一莫知其其他故賢者必敬人敬人

有道賢者則貴而敬之不肖者則異而敬之賢者則親而敬之不肖者則疏而敬之其敬一也其情二也

毛傳正本荀子又昭元年傳晉樂王鮒曰小旻之卒章善矣吾從之子羽曰樂王鮒字而敬尤可證傳義

之用古訓也高注淮南子云言小人而為政不可不敬不敬則危猶暴虎馮河之必死人皆知暴虎馮河

立至害也故曰知一而不知當畏慎小人危戰戰恐亡也故曰莫知其其他是漢人說詩皆與不合

陳曰雲漢傳兢兢戒也
戒慎與恐懼無二義

墜俗
隊字恐

陳曰小宛傳如集于木恐隊也如臨于谷恐隕也二傳訓同○昶按傳云敬者探下恐懼戒慎

以遠小人不惡而
嚴其知敬者乎

賦朱也曰

反於阮

孔曰宛是小貌刺幽王政教狹小如小鳥然

懷二人

陳曰大玄宛雖沈視宛雖卽少雖正與
詩訓同考工記鄭司農注憲小孔貌說

窓
鳴鳩鵲鵲

陳曰昭十七年傳杜注鵲鳩鵲鳩
也爾雅鵲鳩鵲鳩按鵲鳩鵲鳩鵲鳩字

詩十九

三

異義同傳於垠之鳩為鵲鳩而翰高四月戾至也韓詩以此為鵲鳩則亦謂一物矣

作厲云附也字異義同行小人之道責以高明之功終不可得

和按高注淮南云鳴鳩奮迅其羽直刺上飛數十丈乃復是鳴

鳩實能高飛然終為小鳥興義但喻幽王先人文武

也陳曰與雲漢同先祖謂文武同祭義言文王之祭即引詩曰明發不寐有懷二人是古說此詩者指

文王言文武者明發發夕至明和按明與夕對謂天

文武道同也雅發明也明覺發也猶言至日不寐傳復申言其發

也自夕至明載驅傳發夕自夕發至日彼言發行此

言發寤○胡曰毛於二人無傳者意以先人指文武

先人以達孝開基今幽王不能嗣宣王中興之業故陳古以刺今也

人之齊聖飲酒溫克彼昏不知壹醉日富方二各敬爾

儀天命不又音肄

齊正陳曰爾雅中也義相近○朱曰聖通明也克勝也爾雅勝克也○朱曰言齊聖之人雖

醉猶溫恭自持以勝不為酒困也醉日而富矣劉彝曰彼昏而不醒壹志於酒日增其甚

○胡曰論語又復也陳曰執兢傳反復也从又反謂孔注富盛也

云天祿不再○輔廣曰人能敬身之威儀則能敬天矣天豈在外哉○昶按此章刺幽王酗酒味昔先人

酒誥之戒

中原有菽庶民采之螟反土丁蛉音零有子螺音果贏反力貧

房以反之教誨爾子式穀似之

中原原中也陳曰謂原田之中爾雅可食者曰原菽藿也陳曰易林曰種菽豆暮成

藿羹是菽藿通稱之證說文未豆也藿未之少力采也白駒傳藿猶苗也是藿為菽之嫩苗者耳

者則得之

鄭曰養生原中非有主也以喻王位無常家也勤於德者則得之

螟蛉桑

蟲也

釋蟲文

螟蛉蒲盧也

釋蟲文

○說文引詩作螟云細要土蠶也天地

之性細要純雄無子○陳曰純雄無子即莊子細要者化之說也法言螟蛉之子殪而逢螟蛉祝之曰類

我類我久則肖之矣箋蒲盧取桑蟲之子負持而去煦嫗養之以成其子說並同

負持也

持猶攜持襁負負戴皆持也○鄭曰喻有萬民不能治則能治者將得之式用穀善也○陳啓源曰似為

似續之似謂爾子嗣有萬民○和按此承上章天命不常之義而刺王之不能以善教伯服也

題

大計反

彼脊令

音零

載飛載鳴我曰斯邁而月斯征夙興

夜寐毋忝

他簞反

爾所生

題視也

陳曰玉篇題視也大學顧諟天之明命或為顧題題諟題拉从是聲義同

脊令不

能自舍君子有取節爾

鄭曰載之言則也則飛則鳴翼也口也不有止息○漢書

東方朔傳此士所以日夜孳孳敏行而不敢怠也辟
若鷺鷥飛且鳴矣顏注小青雀也飛則鳴行則搖言
其勤 忝辱也釋言文○陳曰邁征皆行也日邁月征
苦 夙興夜寐無忝爾所生言不自舍也 不恥其親君子
之孝也傳以脊令之不自舍興君子之不自舍正本
大戴禮為說○和按此承上章以善教子之義
而言君子之不自舍以刺王之有忝所生也

交交桑扈音率場啄陟角反 粟哀我填徒典反 寡宜岸宜獄

握粟出卜自何能穀

交交小貌秦黃鳥同 桑扈竊脂也釋鳥文扈作羈○鄭曰

場啄粟失其天性不能以自活○陸璣曰青雀也好
竊人脯肉脂及膏中膏故曰竊脂○陳曰淮南子云

馬不食脂桑扈不啄粟非云廉也易林云桑扈竊言
脂啄粟不宜亂政無常使心孔明焦說與傳合

上為亂政而求下之治終不可得也和按興義但以

寡之陷犴獄而失其性將不能生其謂上為亂填盡
政云云又填寡所以失性之故與興義無涉填盡
陳曰填讀為殄韓詩作疹云苦也岸訟也說文引詩
疹卽殄字盡謂窮盡寡謂寡特岸訟也作犴○陳
曰岸為犴之假借韓詩作犴云鄉亭之繫曰犴朝廷
曰獄○王念孫曰宜助語詞也宜岸岸也宜獄獄也
○馬曰握粟有二義一謂祀神說文繫傳云糈祀神
之精米淮南云巫用糈藉是也一謂酬卜說文貞卜
問也从卜貝以為贄繫傳引此詩云古者求卜必用
貝握粟其至微者也蓋始用糈以享神繼卽以之酬
卜曰者列傳云卜而有不審不見奪糈謂祀神之糈
不復奪之也○王安石曰是時填寡不能自直必矣
則雖出卜自何能穀乎○昶按此刺王不自修而務
為苛虐非但不能式穀其子天下之人皆不安其生
矣先人慎庶獄哀
堯獨今何如乎

溫溫恭人如集于木惴惴之瑞小心如臨于谷戰戰兢

兢如履薄冰

溫溫和柔貌

釋訓柔也

恐墜也

陳曰墜當作隊落也

恐隕也

陳曰黃鳥傳惴

惴懼也隕亦隊也此詩刺幽王以小智而登高位故末章陳古明王居上位而不敢怠忽于政事者恭人

以言明王也韓詩外傳孔子曰明王有三懼一曰處尊位而恐不聞其過二曰得志而恐驕三曰聞天下

之至道而恐不能行三懼者明王之務也詩曰溫溫恭人如集于木惴惴小心如臨于谷戰戰兢兢如履

薄冰此言大王之居人上也韓詩說與毛詩首章與義相應

小宛六章章六句

小弁

步干反

刺幽王也

天子之傳作焉孔曰天子謂宜咎也幽王信褒

姒之讒放逐宜咎其傳閔其見逐故作此詩以刺王

弁彼鸞

音豫

斯歸飛提提民莫不穀我獨于罹

音羅

何辜于

天我罪伊何心之憂矣云如之何

興也弁樂也

段曰弁者昇之假借說文昇喜樂也

鸛卑居

釋鳥文

卑居鴉

烏也

孔曰郭璞謂雅鳥小而多羣腹下白江東呼為鸛鳥是也此鳥名鸛而云斯者語辭提提

羣飛貌

廣韻同○鄭曰興者喻凡人父子兄弟出入宮庭亦提提而樂傷今太子獨不幽王

取申女生太子宜咎又說褒姒子伯服立以為后而

放宜咎將殺之

陳曰鄭語史伯告桓公曰王欲殺大子以成伯服必求之申申人弗界必

伐之若伐申而繒與西戎會以伐周周不守矣幽王八年而桓公為司徒九年而王室始騷十一年而斃

然則大子奔放在九年之中去西周之亡甚急促也此傳據以釋經羅字之義亦總釋全章之旨以明小

弁之詩乃宜咎被放而作○朱曰民莫不善而我獨于憂則鸛斯之不如也舜之怨慕曰

號泣于旻天于父母

朱曰何辜于天我罪伊何者怨而慕也舜號泣于旻天曰父母

之不我愛於我何哉蓋如此矣○陳曰列女傳作號泣日呼閔天呼父母則兩于字當作呼字解云如之

何言如之何順於父母可以解憂也此亦大子傳述大子怨慕之詞

踧踧徒歷反周道徒首反鞫九六反為茂草此丑反我心憂傷惄

乃歷焉如擣丁丑反假寐永歎維憂用老魯手反心之憂矣

疾勑覲反如疾首

踧踧平易也說文引詩云踧行平易也○陳曰爾雅儵儵羅禍毒也郭注悼王道穢塞儵即

踧之異文樊光本作攸攸音條攸踧古聲同周道周室之通道陳曰謂鞫

窮也谷風同○陳曰窮猶塞也墓門傳所謂幽閒希行生此棘薪也惄思也釋詁擣

心疾也孔曰似物擣心故云心疾說文擣手椎一曰築也○陳曰擣者疔之借字呂覽注疔跳動

是疔乃跳動病心之疾○鄭曰不脫冠衣而寐曰假寐疾猶病也○孔曰假寐之中長歎此事維是憂而

用致於老矣疾首謂頭痛也

維桑與梓

子音

必恭敬止靡瞻匪父靡依匪母

反滿以

不屬

注音

于毛不罹于裏

里音

天之生我我辰安在

父之所樹已尙不敢不恭敬

謝枋得曰桑梓父母所植以遺子孫見其樹則

思其人所以必恭敬也敬其桑梓豈敢忘其父母乎○朱曰瞻者尊而仰之依者親而倚之○方苞曰言

無人所瞻者非父無人所依者非母而我獨見棄

毛在外陽以言父裏在內

陰以言母

陳曰屬猶附也罹當依唐石經作離凡別離與附離字皆作離○王引之曰裏讀爲

理謂膝理○和按人於毛髮不附屬則外無可瞻於膝理不附離則內無可依以喻放逐在外不得見父

母無可辰時也

釋訓不辰不時也○鄭曰此言我生瞻依也所值之辰安所在乎謂六物之吉凶

○孔曰昭七年傳六物歲時日月星辰

菀

音鬱

彼柳斯鳴蜩

音條

嘒嘒

呼惠反

有漼

于罪反

者淵萑

音葦

葦

韋鬼反 淠淠孚計反 譬彼舟流不知所屆音戒 心之憂矣不遑

假寐

蜩蟬也

方言蜩楚謂之蜩

嘒嘒聲也

說文

漼深貌說文作

淠

淠衆也

陳曰說文朮艸木盛朮然也渭即朮之假借○鄭曰柳木茂盛則多蟬淵深而旁生萑

葦言大者之旁無所不容○陳曰說苑引此詩云言大者之旁無所不容韓詩外傳言大者無不容也此鄭所本三家毛意或然也○鄭曰屈至也今大子見放逐狀如舟之流行不知終所至也遑暇也○昶按蟬容於柳萑葦容於淵今大子獨漂流無所容傷其不如

鹿斯之奔維足伎伎

支聲 雉之朝雊

古豆反

尙求其雌譬彼

壤木疾用無枝心之憂矣寧莫之知

伎伎舒貌

馬曰說文妓徐行也凡生謂鹿之奔走其之類行皆曰妓伎妓假借

足伎伎然舒也

鄭曰鹿之奔走其勢宜疾而足伎伎然舒留其羣也○孔曰此鹿斯與驚

斯柳斯斯

壞癭也

說文引

謂傷病也

爾雅癭木符婁郭注謂木病危

皆辭也

偃癭腫無枝條○陳曰符婁說文作府癭疾用無枝即符婁之意○蘇曰物無不有恩於其親者非獨以

其愛亦以其助也今獨兀然如壞木之無枝而曾莫之顧何也

相息亮

彼投免尙或先

蘇鄰反

之行有死人尙或墮

音之

君子秉心維其忍之心之憂矣涕既隕之

鄭曰相視投掩行道也視彼人將掩免尙有先驅走之者○馬曰投度雙聲度之薨薨箋度猶投也韓詩

度填也說文敷閉也廣雅墮塞也字通作杜人張置以掩免必塞其路故箋謂投免即掩免禮記有開必

先之即所以開墮路冢也說文引詩作燿云道中之也謂開其所塞墮路冢也死人人所覆也○陳曰

楚語道燿相望韋注道冢曰燿周禮若有死於道路者則令埋而置楬焉此周制也○鄭曰君子斥幽王

也秉執也言王之執心不如彼二人○列女傳夫慈故能愛乳狗搏虎伏雞搏狸恩出於中心下引此詩

隕隊也同七月

君子信讒如或醕之君子不惠不舒究之伐木掎居我反

矣析薪地徒可反矣舍彼有罪予之佗徒何反矣

鄭曰醕旅醕也如醕之者謂受而行之○朱曰言王惟讒是聽曾不加惠愛舒緩而究察之夫苟舒緩而

究察之則讒者之情得矣伐木者掎其顛陳曰七月傳角而束之曰掎國語注從後牽曰

索繫其顛本而角束之而偏引之而從後牽之今斬

伐大木猶如是也析薪者隨其理唐石經地作地張參五經文字亦作地○李黼平曰

正義讀地為施得之孟子云施從良人之所之邱中有麻箋施施舒行伺閒獨來見己之貌是施有隨從

伺閒之義故毛佗加也陳曰佗加疊韻說文佗負何以爲隨其理也負何與加義相近○鄭曰

椅其顛者不欲妄陪之隨其理者不欲妄挫折之今遇太子不如伐木析薪也舍褒姒讒言之罪而妄加我大子

莫高匪山莫浚

蘇俊反

匪泉君子無易

夷跂反

由言耳屬

注音

于垣無逝我梁無發我笱我躬不閱遑恤我後

浚深也

陳曰浚讀與濬同○後漢書黃瓊傳昔曾子大孝慈母投杼伯奇至賢終於流放夫讒諛

所舉無高而不可升相抑無深而不可淪可不察與○昶按無高而匪山無深而匪泉言讒言之工抑之揚之無不可也○陳曰繇於也繇由通用韓詩外傳孔子正假馬之言而君臣之義定矣詩曰君子無易由言名正也此詩戒幽王當慎用其言不得易出諸口將有讒人屬耳於垣壁以窺伺之也言即廢適立庶之

念父孝也

陳曰逝梁伐笱喻褒姒讒佞將顛覆周室大子代父為憂猶冀其或改故

曰無逝無發擗風傳閱容也遑當作皇暇也言我身不能容說於父何暇憂我之後日乎此皆念父之詞

故云念父孝也念卽慕也

高子曰小弁小人之詩也孟子曰何以

言之曰怨乎孟子曰固哉夫高竇之爲詩也有越人

於此關弓而射我我則談笑而道之無他疎之也兄

弟關弓而射我我則垂涕泣而道之無他戚之也然

則小弁之怨親親也親親仁也固矣夫高竇之爲詩

曰凱風何以不怨曰凱風親之過小者也小弁親之

過大者也親之過大而不怨是愈疎也親之過小而

怨是不可磯也

孟子趙注磯激也

愈疎不孝也不可磯亦不

孝也孔子曰舜其至孝矣五十而慕

劉氏詩益云孟子過大一語可

斷其爲宜咎之詩大子國之根本國本動搖故曰過大若尋常放子禍止一身與凱風之母等耳何得云

過大哉○和按毛引孟子此章是孟子所主詩說必與毛同趙注孟子乃以小弁爲伯奇之詩失之遠矣

小弁八章章八句

巧言刺幽王也大夫傷於讒故作是詩也陳曰五章有巧言二

字故以名篇

悠悠昊天曰父母且七餘反無罪無辜亂如此無火吳昊反

天已威予慎無罪昊天大幪予慎無辜

朱曰悠悠遠大之貌且語詞○陳曰幪大也釋詁威尊之如昊天親之曰父母皆廣幽王幪大也文

畏孔曰我誠無罪而慎誠也白駒同○俞樾曰慎真罪我是可畏也古通用五經無真字古

人卽假慎爲真也○和按昊天大幪者承悠悠昊天而言謂其悠遠太大聽高不聞被讒之人無可控訴

而呼之也○韓詩外傳伯奇孝而棄於親隱公慈而殺於弟叔武賢而殺於兄比干忠而誅於君詩曰予

慎無辜

亂之初生僭

側蔭反

始既涵

音含

亂之又生君子信讒君子

如怒亂庶端

市專反

沮

音阻

君子如祉亂庶端已

僭數

胡曰僭與譖通衆經音義引譖數與愬同說文譖愬也

涵容也

惠棟曰韓詩作減古

咸字作減咸與函通說文涵水澤多也毛訓涵爲容亦當作函○蘇曰小人爲讒於其君必以漸入其始

也進而嘗之君容之而不拒知言之無忌于是復進既而君信之然後亂成

止也

雲漢同○鄭曰君子見讒人如怒責之則此亂庶幾可疾止也

祉福也

○六月同

魯語慶其喜而弔其憂注喜猶福也是福亦喜也昭十七年傳范武子曰吾聞之喜怒以類者鮮易者實多詩曰君子如怒亂庶端沮君子如祉亂庶端已君子之喜怒以已亂也左傳喜詰祉與毛傳福詰祉義同○和按當喜而喜謂之如喜當怒而怒謂之如怒如卽左氏所謂類也

君子屢盟

彌郎反

亂是用長

丈反

君子信盜

亂是用暴盜

言孔甘亂是用餒

音匪

其止共

音恭

維王之邛

其恭反

凡國有疑會同則用盟而相要

鄭曰屢數也盟之所數者由世衰亂多

相背違時見曰會殷見曰同非此時而盟謂之數也陳曰傳引周禮文以釋經盟字屢當作婁婁數也用

猶以也桓十二年傳苟信不繼盟無益也盜逃也曰孔襄廿九年傳是盟也其與幾何竝引此詩

毛解名曰盜意也風俗通亦曰盜逃也言其逃避人也○胡曰讒人謂之盜者取義於逃謂隱匿其情而

以言誘餒進也釋詁文○馬曰龍龕手鑑引爾雅舊人也

食貪啖之貌引申為進詩承上盜言孔甘故以啖食為喻○表記君子之接如水小人之接如醴君子淡

以成小人甘以壞小雅曰盜言孔甘亂是用餒○馬曰釋文共又作恭韓詩外傳引作恭止共猶言靖共

虔共荀子見由則恭而止楊注止禮也○昶按匪彼同字彼其止共廣盜言孔甘之人所謂足恭也○鄭

曰印病也○說苑孔子曰匪其止共維王之印此傷姦臣蔽主以為亂者也

奕奕寢廟君子作之秩秩大猷聖人莫之他人有心予

忖七損反度待洛反之躍躍他歷反鼯士咸反兔遇犬獲之

奕奕大貌韓奕傳大也秩秩進知也胡曰釋訓秩秩智也小戎傳秩秩有知也

正用爾雅文此云進知也者蓋秩義為積積有次第之意故為進知謂遞進愈知之大道也說文載大也讀若詩曰載載大猷○和按大猷非一有知其淺者有知其深者自聖人謀之則進乎知矣故曰秩秩

莫謀也馬曰釋文莫又作謨說文謨議謀也莫即謨之省假班固賦謨聖人之大猷今正用此詩

○陳曰釋文忖又作忖寸古刊字說文刊切也刊度言案切測度也鼯兔狡兔也陳曰廣雅

鼯猶也狡猶義近○韓詩作趨趨云往來貌謂狡兔數往來逃匿其迹有時遇犬得之○秦策引此詩高

注他人有毀壞之心己忖度之躍躍跳走也鼯狡也狡兔騰躍以為難得也或時遇犬獲之喻讒人如毀

傷人遇明君則治女罪也○戴溪曰四章言國家宗廟宮室故在皆君子之爲也典章法度具存皆聖人之定也彼讒人者將有心破壞之我安得不忖度其故忖度之則情狀得譬如狡兔之踴遇犬則獲矣

荏而甚染冉音柔木君子樹讀如豆之往來行言心焉數之

蛇蛇訑碩言出自口矣巧言如簧顏之厚矣

荏染柔意也陳曰說文集弱兒姍姍柔木椅桐梓漆也

孔曰定之方中云樹之榛栗椅桐梓漆言文公所樹是君子樹之故引彼文以解柔木○和按樹木必取其材之良者喻能言必取其可行者往來猶前後也行言卽言行二字平列謂諸人前後之所言所行心焉數之而知其行蛇蛇淺意也陳曰趙注孟子訑訑與言之不相副也自足其智不嗜善言之貌蛇蛇聲同義近淺讀與譏同公羊傳引書惟譏譏善諍言何注淺薄之貌韋注國語譏巧辯之言與傳訓合○鄭曰碩大也大言者言不顧其行徒從口出非由心也顏之厚者出言虛僞而不知慚於人

○孔曰結構虛辭使相符
合如笙中之簧聲相應和

彼何人斯居河之麋音無拳音權無勇職為亂階音既微

且彊反市勇爾勇伊何為猶將多爾居徒幾何

鄭曰何人者所譏人也
賤而惡之故曰何人也
水草交謂之麋陳曰爾雅水

所本也麋陳曰齊語有拳勇股肱之力說文
假借字 拳力也引國語作捲勇拳捲字同拳亦勇

也職主也文二年傳引周詩曰勇則害上
不登於明堂况無勇而主亂乎惡之也
胥瘍為微

釋訓文郭注胥
脚脛瘍創也 腫足為彊釋訓文○說文引詩彊作

人居下溼之地故生微彊之疾人憎惡之言女勇伊
何何所能也猶謀將大也女作讒佞之謀大多○朱

彬曰微彊喻讒人居卑賤之地非必真有斯疾猶新
臺之刺衛宣為籛條威施○馬曰居語助讀與日居

月諸以居徂向上帝居歆竝同爾居徒幾何即言爾
徒幾何也○呂曰此非特賤讒人之辭蓋言其本易

驅除特王
不悟耳

巧言六章章八句

朱曰賦也

何人斯蘇公刺暴公也暴公爲卿士而譖蘇公焉故

蘇公作是詩以絕之

鄭曰暴也蘇也皆畿內國名○孔曰蘇忿生之後成十一年傳

蘇忿生以溫爲司寇杜注今河內溫縣是蘇在東都之畿內也春秋時蘇稱子此云公者子蓋子爵而爲

三公也○陳啓源曰文公八年公子遂會維戎盟於暴杜注鄭地幽王時鄭尚未遷暴未爲鄭有且與維

戎盟於此則暴必近維意暴亦東都畿內國歟○王夫之曰公子遂壬午盟于衡雍乙酉盟于暴相去三

日其近可知衡雍在今懷慶府蘇在今懷慶府溫縣蘇暴二國境土犬牙相入故嫌忌而相謗○淮南高

注訟間由者虞芮及暴桓公蘇信公也

彼何人斯其心孔艱

音根

胡逝我梁不入我門伊誰云從

維暴之云

鄭曰梁魚梁也何人謂與暴公俱見於王者廢其姓名爲大切故言何人○范處義曰不廢暴公指其從暴公者亦譎諫之義人心固險如山川難於知矣况於小人尤與艱險不可測也○呂大臨曰託過門不入之喻以道其反側之云言也胡曰傳以云爲言者情情之不直讒我必矣蓋承逝梁不入二句若曰是從誰之言而與我疏闊如此維其從暴公之言耳下章云不我可正與此章相應謂始者言我可今則言不我可也

二人從行誰爲此禍胡逝我梁不入音彥我始者不如
今云不我可

鄭曰二人者謂暴公與其侶也誰作我是禍乎是蘇公以得譎讓也女卽不爲何故近之我梁而不入弔唁我乎女始者於我甚厚不如今日也

彼何人斯胡逝我陳我聞其聲不見其身不愧于人
不畏于天

陳堂塗也

釋宮堂途謂之陳孫炎注堂下至門之徑

過門留語而去○胡曰凡通問皆可謂之聲王質曰當時
聲見老聃蓋孔子非親往特傳聲爲之先容此言但
聞其聲亦謂將命者傳其聲問故不見其身也不見
其身則其人並未逝陳矣陳在門內故曰不入我門
其入門而逝陳特將命者耳前後三言逝梁則皆指
何人也說者多誤○輔廣曰古之責人往往至天而
極雨無正曰胡不
相畏不畏于天

彼何人斯其爲飄風

反方凡

胡不自北胡不自南

反奴森胡

逝我梁祇

支音攬反

交卯

我心

飄風暴起之風

終風傳暴疾也○孔曰以攪亂也說
其徑來而徑去知爲疾也

攪亂也說文

引詩同○我行其野傳祇適也

爾之安行亦不遑舍

音舒

爾之急行遑脂

音支

爾車壹者之

來云何其盱

朱曰言爾平時徐行猶不暇息而況急行則何暇脂其車哉○昶按車必駐而後脂今以行急雖脂車且不暇甚言其不暫留也○胡曰呂覽注壹猶乃也乃者謂曩日也即指上逝梁之事○朱曰盱望也字林盱張目也○昶按安行二句述其來而不入之事急行二句設想之辭壹者二句再述前事此及下章皆所以致其盱望之情其於故舊惓惓不忘如此可謂忠厚矣

爾還而入我心易

音移

也還而不入否

方九反

難知也壹者

之來俾我祇

痕也

易說

陳曰易與夷聲相轉夷說也韓詩作施施善也字異而義同○胡曰說文否不也章首言其心

難知此則言其不難知皆反覆窮究之意
還而不入則其與於謔我情事不難知也
祇病也曰陳
白華疵病也祇假借字○和按此章前四句皆設想
之詞後二句追憶之詞言若如壹者之來而不入則
徒使我有攬
心之病而已

伯氏吹壎

况袁反

仲氏吹簫

音池

及爾如貫

古亂反

諒亮不我

知出此三物以詛

側助反

爾斯

土曰壎

釋樂

大壎謂之跽郭注壎燒土為之大如鵝子銳上平底形似稱錘六孔○陳曰壎與塤

同竹曰簫

釋樂

大簫謂之沂郭注簫以竹為之長尺四寸圍三寸一孔上出徑五分橫吹之廣

雅云八孔○鄭曰伯仲喻兄弟也我與女恩如兄弟其相應和如壎簫以言俱為王臣宜相親愛其相比次如物之在繩索之貫也諒信也○朱曰豈誠不我知而謔我哉苟曰誠不我知則出此三物以詛之可也
三物豕犬雞也
孔曰隱十一年傳鄭伯使卒出殯行出犬雞以詛射潁考叔者殺即

孔曰言古者有此禮司盟曰盟萬民之犯命者誛其不信

韓詩云天子諸侯以牛豕

大夫以犬庶人以雞○孔曰詛之所用一牲而已言
出此三物以皆是詛之所用總而言之故傳辨其等
級穎考叔爲子都所射鄭伯使諸軍詛之百人爲卒
二十五人爲行以行之人數少於卒自爲等級耳

或音

反他典

面目視人罔極作此

好歌以極反側

說文同云似鼈三足以氣射害人殺注狐
當作弧○陳曰短弧射景射工水弩其名

釋言文媿戸刮反孫注醜人面媿然說文醜面見人媿面醜也是醜與媿皆面

見人之貌也○胡曰范蠡曰余雖醜然而人面哉猶云儼然人面也韋注覲面目之貌○昶按罔極者謂其鬼域之情罔可窮極猶言不可測度也雖有面目而示人不測故作詩以極其反側之情兩極字相應

反側不正直也孔曰洪範無反無側王道正直則知

昶按釋名好巧也匿怨友人來而不入反側無常所謂巧也

何人斯八章章六句朱曰賦也

巷伯刺幽王也寺人傷於讒故作是詩也胡曰作者

而采詩者名之以巷伯襄九年傳宋災令司宮巷伯

倣宮杜注即以巷伯為寺人意巷伯本內奄之通稱

司馬遷傳贊迹其所以自傷悼小雅巷伯之倫後漢

書宦者傳序詩之小雅亦有巷伯刺讒之篇詳其詞

意皆以此詩即巷伯所作然則

以巷伯即寺人不始於宋人矣

萋反斐西今成是貝錦彼譖人者亦已大音泰甚

興也萋斐文章相錯也說文引詩作縷云帛文兒

文章之貌貝錦錦文也鄭曰錦文者文如餘泉餘砥之貝

文也興者喻讒人集作己過以成

於罪猶女工之集采色以成錦文大甚者謂使己得重罪也○陸璣疏貝水介蟲也餘蚶黃為質以白為文餘泉白為質以黃為文

哆昌可反今侈昌果反今成是南箕彼譖人者誰適敵音與謀

媒音

哆大貌陳曰說文哆張口也穀梁疏南箕箕星也鄭

箕星哆然踵狹而舌廣○孔曰箕四星二為踵二為舌○陳曰箕星東方蒼龍之宿實居東宿之末在北

之南故謂之南箕天官侈之言是必有因也陳曰哆書箕為敖客曰口舌

猶萋斐連文皆合二字成義萋斐成貝錦之文哆侈成南箕之形皆以喻讒人致讒寺人受讒之由然讒

必有因故斯人自謂辟嫌之不審也昶按傳釋經兩言成是者雖由

於讒己亦昔者顏叔子獨處于室鄰之釐婦又獨處有罪焉

于室夜暴風雨至而室壞婦人趨而至顏叔子納之

而使執燭放乎旦而蒸盡

所六反

屋而繼之

孔曰放乎旦至

於旦也蒸是薪之細者指謂抽也初執燭次然薪薪盡乃抽取屋草繼之

自以爲辟嫌之

不審矣

祖按傳以顏叔子此被讒之詩人

若其審者宜若魯人然魯

人有男子獨處于室鄰之釐婦又獨處于室夜暴風

雨至而室壞婦人趨而託之男子閉戶而不納婦人

自牖與之言曰子何爲不納我乎男子曰吾聞之也

男子不六十不閒居

孔曰禮男女年不滿六十則男子在堂女子在房不得閒雜在

一處

而居今子幼吾亦幼不可以納子婦人曰子何不若

柳下惠然嫗不逮門之女國人不稱其亂

段曰荀子大略篇柳

下惠與後門者同衣而不見疑非一日之閒後門男
卽不逮門謂不及門無宿處也禮記注以體曰嫗
子曰柳下惠固可吾固不可吾將以吾不可學柳下
惠之可孔子曰欲學柳下惠可者未有能似於是也
昶按毛公此等傳實有得於詩人反躬析義之惜非
泛引雜事也上章云亦已大甚特謂讒者之過甚耳
不自謂已無罪也此言誰主爲謀言外皆有自責之
意○陳漢章曰史記弟子列傳有顏之僕字叔卽此
傳顏叔子正是七十子所傳微言苟毛皆與聞之○
魏源曰小人陷君子必蒙以闇昧之事故傳以辟嫌
之審不審證之馮奉世傳贊讒邪交亂貞良被害自
古而然故伯奇放流孟子宮刑張宴注寺人孟子賢
者被讒見宮刑作巷伯之詩孔融駁復肉刑議亦有
冤如巷伯之語豈非遭讒而後爲巷伯魯詩同毛義
乎

緝緝

七立反

翩翩

音續

謀欲譖人慎爾言也謂爾不信

詩十九

節南山

堯

緝緝口舌聲

說文引詩作聿云聿語也聿附耳翩翩私小語也○陳曰緝爲聿之借字

往來貌

桑柔傳翩翩在路不息也○鄭曰慎誠也女誠心而後言王將謂女不信而不受欲其誠

者惡其不誠也

○昶按詩人正告讒者勿妄言妄言王將不信辭欲其誠意惡其不誠疏謂讒者自相計

讀誤會箋惜

○韓詩外傳受命之士正衣冠而立儼然人望而信之其次聞其言而信之其次見其行而

信之既見行而衆皆不信斯下

矣詩曰慎爾言矣謂爾不信

捷捷

音幡幡反

謀欲譖言豈不爾受既其女遷

捷捷猶緝緝也

陳曰捷接假借左傳捷公羊皆作接有接續不絕之意

幡幡猶

翩翩也

陳曰幡猶反翩翩猶偏皆足偏黨反側之義

遷去也

昶按去與受反始受爾之讒而

去人既且受人之讒而去女矣下言投畀卽所謂棄去之也

驕人好好勞人草草蒼天蒼天視彼驕人矜此勞人

好好喜也

陳曰爾雅旭旭橋也即好好之異文郭注小人得志橋蹇之貌喜同嬉

草草

勞心也

陳曰爾雅惓惓勞也即詩草草之異文玉篇惓音草

彼譖人者誰適與謀取彼譖人投畀

必二反

豺

土皆反

虎豺

虎不食投畀有北有北不受投畀有昊

胡九反

投棄也

陳曰投與木瓜小弁抑不同義此云投棄也遵大路傳敵棄也敵投聲轉義同北方

寒涼而不毛

孔曰欲凍殺之地官載師曰宅不毛謂草木也

昊天也

鄭曰付與

昊天制其罪也○陳曰後漢朱勃上書引詩釋之云此言欲令上天而平其惡勃能說韓詩與毛詩同○

緇衣云惡惡如巷伯

楊園之道猗

讀加

于畝丘

音欺

寺人孟子作爲此詩凡百君

子敬而聽之

楊園園名

孔曰以畝丘丘名猗加也

胡曰猗倚同字倚者依也凡因

依者皆自此加彼之意

畝丘丘名

釋丘如畝畝丘李注謂丘如田畝曰畝丘孫注方百步也

陳曰楊園在畝丘之上故曰楊園之路加于畝丘也○朱曰以興賤者之言或有補於君子也

寺

人而曰孟子者罪已定矣而將踐刑作此詩也

陳曰云罪

已定將踐刑者此自明其被讒之禍且以原其作詩之由也當是相傳古說如此○昶按傳云寺人而曰

孟子者以詩但言孟子作詩如家父作誦之例可矣必曰寺人孟子是傷其踐刑之意太史公所謂刑餘

之人無足比數也

巷伯七章四章章四句一章五句一章八句一章

六句

節南山之什十篇七十九章五百五十二句終

詩毛氏學二十

小雅五

谷風之什

谷風刺幽王也天下俗薄朋友道絕焉

孔曰朋友之交乃是人行

之大者幽王之時風俗澆薄窮達相棄此由王政使然故以刺之

習習谷風維風及雨將恐將懼維予與女將安將樂女

轉棄予

興也風雨相感朋友相須

鄭曰習習和調之貌東風謂之谷風興者風而有雨

則潤澤行喻朋友同志則恩愛成○孔曰風類多矣正取谷風者谷風生長之風取其朋友相長益故也

言朋友趨利窮達相棄

韓詩辭君章句將辭也

習習谷風維風及積

徒雷反

將恐將懼寘

之致反

予于懷將

安將樂棄予如遺

積風之焚輪者也

釋天焚輪謂之積○段曰焚輪猶紛綸也○陳啓源曰積風力薄賴

谷風扶之而上孔疏解此甚明陸農師曰風之銳而

上者為焱風之旋而上者為積莊子搏扶搖羊角而

上者九萬里扶搖即焱羊角即積是也司馬彪云風

上行謂之扶搖風曲上行若羊角然謂之羊角陸義

應本此○和按首章維風及雨以興維予與女也此

習習谷風維山崔嵬

五回反

無草不死無木不萎

於危反志

我大德思我小怨

鬱音

崔嵬山巔也

陳曰十月之交傳山頂曰冢卒者崔雖嵬爾雅巔頂也崔嵬是山巖巖之狀

盛夏萬物茂壯草木無有不死葉萎枝者

鄭曰盛夏養萬物之

時草木枝葉猶有萎槁者○孔曰小萎無虧於夏長小怨無損於交好○昶按谷風之長養萬物喻大德

崔嵬之草木萎槁喻小怨○中論詩曰習習谷風維山崔嵬無木不死無草不萎言盛陽布德之月草木

猶有枯落而與時謬者况人事之應報乎

谷風三章章六句

蓼

音莪反五河

刺幽王也民人勞苦孝子不得終養

餘亮

反

爾鄭曰不得終養者二親病亡之時時在役所不得見也

蓼蓼者莪匪莪伊蒿

呼毛反

哀哀父母生我劬勞

興也蓼蓼長大貌

蓼蕭同○馬曰釋草莪蘿郭注今莪蒿陳藏器云廩蒿生高岡宿根

一名莧莧李時珍云莧抱根叢生俗謂之抱孃莧是我常抱宿根而生有子依母之象故詩人借以取興
蒿與蔚皆散生故喻不能終養○陳曰爾雅哀哀懷報德也郭注悲苦征役思所生也豈風母氏劬勞傳
苦也

蓼蓼者莧匪莧伊蔚音尉哀哀父母生我勞瘁似醉反

蔚牡藪去刃反也釋草文陸璣曰牡蒿○馬曰唐注本草牡荊云莖勁作樹不為蔓生故稱

之為牡則知牡藪亦以其散生特立與莧之抱根叢生者異故有牡稱不必如郭言無子而後稱牡也

餅蒲丁反之聲苦定反矣維音雷蠹之恥息淺反民之生不如

死之久己音矣無父何怙音戶無母何恃出則銜恤入則靡

至聲入

餅小而蠹大馬曰說文餅蠹也儀禮鄭注甕瓦器其容蓋一斛一斛者斗二升也郭注爾雅

罍形似壺大者受一斛一斛者十斗也 聲盡也 說文引詩云聲器中空也

○陳曰昭二十四年傳鄭子太叔對范獻子曰今王室實蠢蠢焉吾小國懼矣然大國之憂也吾儕何知焉吾子其早圖之詩曰鉶之聲矣維罍之恥王室之不甯晉之恥也此引詩鉶喻己小國罍喻晉大國傳云鉶小罍大正本左氏說也○後漢陳忠上疏云夫父母於子同氣異息一體而分三年乃免於懷抱先聖緣人情而著其節服二十五月是以春秋臣有大喪君三年不呼其門閔子雖要經服事以赴公難退而致位以究私恩故稱君使之非也臣行之禮也周室陵遲禮制不序蓼莪之人作詩自傷曰鉶之聲矣維罍之恥言己不得終鮮寡也 釋詁文○戴震曰春竟子道者亦上之恥也鮮寡也 秋傳葬鮮者謂不得以壽終爲鮮鮮似有少福之意故無怙恃者曰鮮民○陳曰不如死久孝子自歎其孤寡難堪也 搗羽傳怙恃也 渾言之也 韓詩云怙賴也 恃負也 析言之也 ○鄭曰孝子之心怙恃父母依依然以爲不可斯須無也 出門則思之而憂旋入門又不見如入無所至 ○孔曰入門則堂宇空曠不復覩見如行田野無有

所至是其所
以悲恨也

父兮生我母兮鞠我拊音撫我畜我長我育我顧我復我

出入腹我欲報之德昊天罔極

鞠養

鄭曰生我者本其氣也畜起也○孔曰母又懷妊以養我○昶按鄭讀畜爲愔說文愔起也起

謂興起與喜熙同義孟子畜君者好君也好喜亦相近撫循興起以悅其意長育以充其體也顧復合下

出入爲義出則還顧之入

腹厚也

釋詁文○王引之曰昊天罔極猶言

昊天不傭昊天不惠我方欲報之德而昊天罔極降此鞠凶使我不得終養漢魯峻碑悲蓼莪之不報痛

昊天○陳曰坻園有桃傳皆以罔極爲無中昊天當廣幽王

南山烈烈飄風發發民莫不穀我獨何害

聲入

烈烈然至難也

胡曰難當如行路難蜀道難之難以烈烈爲險阻之狀說文嶺巍高也讀

若厲集韻嶠力擊切山高貌古有嶠山氏祭義注厲山氏炎帝也起于厲山或曰有烈山氏然則烈烈爲山之高峻故發發疾貌何人傳飄風暴起之風○鄭傳以爲至難發發疾貌曰民人自苦見役視南山則烈烈然飄風則發發然寒且疾也○歐陽曰發發暴疾中人也言王威虐可畏而暴政害人我獨罹之也○陳曰穀生也言民無不生我獨罹此勞苦之害也

南山律律飄風弗弗民莫不穀我獨不卒

律律猶烈烈也

陳曰王介甫以律律爲山之舉弗弗律玉篇砒砒危石律砒同字

猶發發也

陳曰弗發雙聲○鄭曰卒終也我獨不得終養父母重自哀傷也○昶按獨害不卒

所謂鮮民之生異乎天下凡民之生也

蓼莪六章四章章四句二章章八句

大東刺亂也東國困於役而傷於財譚大夫作是詩

以告病焉

鄭曰譚國在東故其大夫尤苦征役之事也魯莊公十年齊師滅譚○孔曰言東國

者譚大夫以譚國在東而見偏役故經言小東大東序亦順之而言東國焉不指譚而言東者非譚獨然

故言東以廣之

有饔

音蒙

簋

音軌

飧

音孫

有捄

音蚪

棘

必履反

周道如砥

之履反

其

直如矢君子所履小人所視睠

音眷

言顧之潛

所姦反

焉出

涕

興也

胡曰首二句為興

饔

說文引詩云

飧

熟食傳孰

食

孔曰禮之通例皆簋

捄

孔曰捄為

長貌

為

棘

為

棘

為

食曰

謂黍稷也

盛稻梁簋盛黍稷

捄

長貌

為

棘

為

棘

為

棘

為

棘

為

棘

為

狀故知長貌雜記

用桑長三尺是也

匕

所以載鼎實

於鼎升之於俎

也雜記注言匕所以載

棘

赤心也

孔曰吉禮用棘雜

牲體牲體即鼎實也

記言用桑者謂喪

也雜記注言匕所以載

棘

赤心也

也雜記注言匕所以載

棘

赤心也

孔曰吉禮用棘雜

牲體牲體即鼎實也

記言用桑者謂喪

也雜記注言匕所以載

棘

赤心也

孔曰吉禮用棘雜

牲體牲體即鼎實也

記言用桑者謂喪

也雜記注言匕所以載

棘

祭也待賓客之匕禮當用棘傳言赤心解本用棘之意○馬曰簋餼之滿興古者邦國之富不若今之杼柚其如砥貢賦平均也陳曰說文砥之或字孟子引詩作砥○孔曰砥謂礪之石砥石能磨物使平如矢賞罰不偏也陳曰言周家貢賦賞罰之道如此也韓詩外傳周道如砥其直如矢言其易也君子所履小人所視言其明也○墨子周詩曰王道蕩蕩不偏不黨王道平平不黨不偏其直若矢其易若砥君子之所履小人之所視○趙注孟子視比也君子履直道小人比而則之○馬曰廣雅視比也效也所瞻反顧也陸曰履所視皆指周道即上行下效之義瞻反顧也本又作潛涕下貌說文引詩云涕流兒○鄭曰我從今顧視之爲之出涕傷今不如古○荀子今之世則不然亂其政繁其刑其民迷惑而墮焉則從而制之是以刑彌繁而邪不勝今夫世之陵遲亦久矣而能使民勿踰乎詩曰周道如砥其直如矢君子所履小人所視卷焉顧之潛焉出涕豈不哀哉楊注言失其砥矢之道所以陵遲哀其法度墮壞

小東大東

反直呂

軸

逐音

其空糾糾

反居黜

葛屨

反九具

可以

履霜

反徒彫

公子行彼周行

反戶郎

既往既來

反音釐

使我

心疚

反音几

范處義曰東方諸侯無小無大杼軸皆為之空○說文杼機持緯者○段曰織軸似車軸故同名○空

盡也

釋詁文○鄭曰葛屨夏屨也言時財貨盡雖公

子衣屨不能順時乃夏之葛屨今以履霜送轉

餽 佻佻獨行貌韓詩作耀耀云往來兒○釋訓佻佻

困竭賢人憂歎遠益急切○昶按此傳佻佻獨行貌是遐遠之意下章傳契契憂苦也是急切之意傳本

雅訓而分釋之

公子譚公子也

陳曰詩譚大夫所作故公子為譚公子上

行為行來下行為道言譚公子奉使周道往來不已東國之行役譚尤獨受其困乏也我譚大夫自我也

有冽

音列

沆

音軌

泉無浸

反子鳩

穫

反戶郭

薪契契

反芳計

寤歎哀

我憚音日人薪是穫薪尚可載音稷也哀我憚人亦可息也

冽寒意也孔曰二之日栗冽是冽為寒側出曰沆泉

釋水沆泉從沆出沆出仄出也穫刈也陳曰穫稻穫稗

李注水泉從傍出名曰沆穫刈也陳曰穫稻穫稗

全詩穫字不傳而此作傳者以穫薪為析薪不謂穫

為木也無浸浸也○鄭曰浸之則將溼腐不中用也

契契憂苦也陳曰擊鼓傳契關勤苦也憚勞也釋文一作瘁載載

乎意也昶按載乎意猶言意不忘乎載也以薪而歸

憚人亦可休息矣而曾無念之者是穫薪之不若也

東人之子職勞不來音力西人之子粲粲衣服蒲北舟人

之子熊羆彼皮反是裘求其反私人之子百僚是試

東人譚人也來勤也釋詁文○鄭曰職主也東人勞苦而不見謂勤○陳曰爾雅勅

勤勞也說文勑西人京師人也孔曰京師王畿之大號粲粲鮮

盛貌釋訓燕燕粲粲尼居息也郭注盛飾宴安近處

也偏甚舟人舟楫之人昶按易稱舟楫之利以濟不通

是舟人之子謂商賈也熊羆是裘言富也胡曰禹貢梁州

皆為裘之用蓋私人私家人也陳曰謂私百僚是試

用於百官也鄭曰此言周衰羣小得志○顧炎武曰

其富又其甚也私人之子亦得進而服官而文武周公之法盡矣

是以削自古國家吏道雜而多端未有不趨於危亡者

或以其酒不以其漿鞞鞞反胡犬佩璲音遂不以其長維天

有漢監亦有光跂反婢彼織女終日七襄

或醉於酒或不得漿

陳曰經中或字領下句兼以不

偏也或有也以用也不以不用也○韓詩外傳三斗

之稷不足於士而君鴈驚有餘粟果園梨栗後宮婦

人以相提擲士曾不得一嘗綾紈綺縠靡麗於堂從

風而斃士曾不得以爲緣詩曰或以其酒不以其漿

韜韜玉貌釋訓韜韜刺素餐也○陳曰璫瑞也釋器

鄭曰佩璫者以瑞玉爲佩佩之韜韜然居其官職非

其才之所長也徒美其佩而無其德故刺素餐○孔

曰瑞正謂漢天河也○有光而無所明○鄭曰

所佩之玉漢天河也○有光而無所明○鄭曰

也喻王闇置官司而無督察之實○孔曰嫌其光之

小也以其初言天象故云維天以總之使下諸星皆

蒙維天跂隅貌說文引詩作岐云頃也玉篇也岐隅

之文也○孫毓曰織女三星岐然如隅然

則三星鼎足而成

襄反也○韓詩章句同○孔曰晝夜

三角望之岐然

即自卯至酉也○胡曰反即更也謂從日至暮七更

其次爾雅襄除也○除去也○除去者變之義○昶按此

章因政役不均人無可懇仰視天漢有光織女歧然故欲懇於天而求其助也

雖則七襄不成報章曉反華板彼牽牛不以服箱息羊反東

有啓明彌郎反西有長庚岡音反有挾天畢載施之行戸郎反

不能反報成章也鄭曰織女有織名爾駕則有西無東不如人織相反報成文章○陳

曰報亦反也夏小正七月初昏織女在東而不在西明星貌玉篇

也何鼓謂之牽牛釋天文郭注今荊州人呼牽牛星為擔鼓○牟廷相曰牛宿其狀如

牛何鼓直牛頭上則是牽牛人也何鼓中星最明曉彼之詠謂何鼓不謂牛宿○郝懿行曰牽牛三星牛

六服牝服也陳曰考工記鄭司農注牝服謂車箱服星服牝服也讀為負按牝即牛大車重載牛負之故

謂之牝服既夕禮注服車箱也說文箱大車牝服也箱大車之箱也昶按以牝

箱為服連言曰牝服此散文則通也若對文則箱謂車箱服為牝牛之負此車箱故傳分析之曰服牝服

也仍作虛字解不謂服即箱者對文則異也解者多失之日旦出謂明星為啓明

釋天明星謂之啓明日既入謂明星為長庚韓詩云

孫注明星大白也出東方為啓明昏庚續也釋詁文○鄭曰啓明長庚

見西方為長庚也球畢貌也孔曰上言球長貌此亦言畢之長畢所以

掩兔也釋天濁謂之畢郭注掩兔何嘗見其可用乎

鄭曰今天畢則施於行列而已○昶按此章言杼軸

其空而織女不能報章為助困於征役而牽牛又不

能服箱啓明長庚喻君側啓沃之無人畢為天网喻列位小人之不能去

維南有箕不可以簸波我揚維北有斗不可以挹音酒

漿維南有箕載翕許急反其舌維北有斗西柄之揭音許

孔曰箕斗並在南方之時箕在南而斗在北故言南

箕北斗○馬曰爾雅析木之津箕斗之閒漢津也郭

注箕龍尾斗南斗是凡箕斗連言者皆謂南
斗○陳曰簸亦揚也說文簸揚米去康也 挹料于
反也謂文獻挹也○廣雅料酌也○翕和也陳曰翕猶引也
○昶按翕者吸引彼物合於此箕毛鄭義相成也○
馬曰漢書天文志箕主口舌淮南子頭會箕賦高注
箕賦似箕然斂民財多取意也此詩刺重斂故以箕
爲喻○王引之曰南斗之柄常西向而高於魁故曰
西柄之揭揭高舉之名也○歐陽曰末言箕斗非徒
不可用箕反若有所噬斗反若有所挹取於東是皆
怨諷之辭也

大東七章章八句

四月大夫刺幽王也在位貪殘下國構禍怨亂竝興
焉

四月維夏

音戶

立月徂暑先祖匪人胡甯忍予

胡曰傳不言興則維夏徂徂往也釋詁六月火星中

暑秋曰冬日皆為紀時文暑盛而往矣昶按徂暑猶言暑徂謂當

月令季夏六月火星中盛暑之時而往行役甚病

苦故下曰胡甯忍予○李黼平曰人為說文奇字之

几仁者人也中庸注人讀如相人偶之人匪人者謂

先祖非復以人意相慰恤如下章言天子甯莫我有

人與有其義同也冀先祖之人己天子之有己忠孝

之人情切而詞怨也

秋曰淒淒百卉反許貴具腓房非亂離瘼矣爰其適歸

淒淒涼風也陳曰爾雅哀哀淒淒懷報德也郭注悲

文○昶按感時節之變異即愴然有思先祖

之心謂此詩為孝子傷亂闕祭正本雅訓

出車腓病也鄭曰涼風用事而衆草皆病離憂兔爰

同瘼病釋詁文○韓詩適之也北門同○王安石曰亂

作亂離斯莫

其極也乃適歸乎其所出矣○昶按方言爰哀也廣雅愁也之猶往也歸讀如歸獄之歸哀其往歸者言禍亂離憂而病矣哀其禍往歸於國也○宣十二年傳是役也鄭石制實入楚師將以分鄭而立公子魚臣辛未鄭殺僕叔及子服君子曰史佚所謂母怙亂者謂是類也詩曰亂離瘼矣爰其適歸歸於怙亂者夫也

冬日烈烈飄風發發民莫不穀我獨何害

鄭曰烈烈猶栗烈也發發疾貌○陳曰穀生也言人無不貪生者而我何獨遭此害也

山有嘉卉侯栗侯梅廢爲殘賊莫知其尤羽其反

鄭曰嘉善侯維也○昶按山有嘉卉此春時也自盛暑而往經秋涉冬今又至於春逾歲不歸所以致怨廢大也釋詁文○據王肅及定本怙作大○鄭曰尤過也言在位者貪殘爲民之害無自知其行者

之過

相息亮反 彼泉水載清載濁我日構禍曷云能穀

鄭曰相視也我視彼泉水之流一則構成廣雅同○清一則濁刺諸侯並為惡曾無一善

合集曷逮也孔曰釋詁文○陳曰今爾雅作遏曷者借字○胡曰毛傳善讀經文往往得其

微婉之意如噬肯適我及曷云能穀用爾雅遏噬逮也之訓皆以逮為及唐風謂彼君子今及今而肯適

我乎此云我日構禍及此尚云能穀乎

滔滔吐刀江漢南國之紀盡瘁以仕甯莫我有音

滔滔大水貌江漢傳其神足以綱紀一方魯語仲尼曰山川之

靈足以紀綱天下者其守為神○曹粹中曰江漢受百川之水而注之海使無泛溢之患所以紀綱南國

也○昶按此賦體也言今江漢之神猶足以綱紀一方而王政不綱莫能保有其民序所謂下國構禍也

○鄭曰仕事也○陳曰北山或盡瘁事國傳盡力勞瘁以從國事

匪徒九反 匪以專反 鵀翰飛戾天 匪張連反 鰌于軌反 潛

逃于淵

鵀說文引詩作鵀云雕也 鵀驚鳥也今說 鵀孔引說文鵀

文脫鄭曰 大魚能逃處淵鄭曰鰌鯉也 〇祗按詩

飛至天又非鱣鮪大魚能逃 處淵所以構禍此比體也

山有居月反 薇夷音 隰有音 杞音 榲音 維以告哀音

有祗按山有薇薇與四章山 杞音 榲音 維以告哀音

所革也釋木文 〇祗按文十三年傳文子賦四月杜

也顧薇薇杞榲而悲哀正逾時思祭祀薇薇春生之物

此詩歌以告哀於君子此倒句也

四月八章章四句

北山大夫刺幽王也役使不均己勞於從事而不得養其父母焉

陟彼北山言采其杞偕偕音皆士子朝夕從事王事靡盬

音古憂我父母音滿以反

朱曰賦也自言陟北山而采杞以食偕偕強壯貌說者皆強壯之人而朝夕從事者也

引詩云士子有王事者也陳曰士讀為事探下句為訓從事從王事也○鄭曰

靡無也盬不堅固故我當盡力勤勞於役久不得歸父母思己而憂○孟子云是詩也勞於王事而不得

養父母也

溥音普天子下音戶莫非王土率土之濱莫非王臣大夫不

均我從事獨賢

溥大

釋詁文

率循

釋詁文

濱涯也

縣同

○孔曰

濱古作瀕涯作

中國爲九州者以水中可居

賢勞也

廣雅同○王念孫曰孟子引詩

而釋之曰此莫非王事我獨賢勞也賢亦勞也賢勞猶言劬勞○陳曰鹽鐵論引詩曰刺不均也襄十三

年傳引詩曰刺不讓也亦謂大夫不知讓與不均同義從事獨勞是即不均也

四牡彭彭王事傍傍嘉我未老鮮我方將旅力方剛經

營四方

彭彭然不得息

烝民箋行貌

傍傍然不得已

胡曰傍與旁通廣雅旁旁

盛也事多而不將壯也

李黼平曰釋詁將壯皆訓大故將亦可訓壯○鄭曰嘉鮮

皆善也王善我年未老乎善我方壯乎

旅衆也

釋詁文○李黼平曰旅訓衆言衆大夫氣力方

剛亦可使之
經營四方也

或燕燕居息或盡瘁事國或息偃在牀或不已於行

燕燕安息貌釋訓燕燕尼居盡力勞病以從國事陳

昭七年傳引詩作惟瘁字異義同傳云盡力勞瘁語雖分釋義實平列已止行道也

或不知叫反古弔號反戶報或慘慘反七感劬勞或棲音遲偃

仰或王事鞅反於兩掌

叫呼說文號召也陳曰叫號連縣字說文嘒號也嘒

四字同義○孔曰居家閒逸不知上有徵發呼召者

鞅掌失容也孔曰言事煩鞅掌然不暇為容儀也○

倉皇失據耳

或湛都南反樂音洛飲酒或慘慘畏咎或出入風音議反魚賀

或靡事不為音譌

陳曰湛亦樂也讀為酖○鄭曰咎猶罪過也風猶放也○孔曰出入放恣議量時政○鄧元錫曰北山刺不均也秉均者不均膳仕者衆而賢者獨勞瘁畏讒譏焉蓋四牡皇華之意索然盡矣雅之盛也上平其政恤其私故士盡瘁而忘其勞雅之變也上不平其政不恤其私故士盡瘁而哀其病也

北山六章三章章六句三章章四句

無將大車大夫悔將小人也鄭曰幽王之時小人衆多賢者與之從事反見

譖害自悔與小人並○胡曰易林大車多塵小人傷賢其憂百端三國志趙王幹傳易稱開國承家小人

勿用詩著大車維塵之戒此皆與序合者

無將大車祇音支自塵兮無思百憂祇自底讀如疹今

大車小人之所將也

鄭曰將猶扶進也祇適也○考工記注大車平地載任之車○

和按將車賤者之事也大夫乘車者也今不坐車中而乃與御者相扶進則其塵汚人矣傳非以大車喻小人之以將大車者喻小人而此底病也釋詁文○和起小人之此比體故傳不云興也
思百憂者無可奈何之辭也

無將大車維塵冥冥

莫庭反

無思百憂不出于煩

音局

鄭曰冥冥者蔽人目明令無所見也煩光也

釋詁文○鄭曰使人蔽闇不得出於光明之道○荀

子君人者不可以不慎取臣匹夫者不可以不慎取友詩曰無將大車維塵冥冥言無與小人處也○韓詩外傳今子所樹非其人也故君子先擇而後種也詩曰無將大車維塵冥冥

無將大車維塵

於勇反

今無思百憂祇自重

直龍反

今

鄭曰雖猶蔽重猶累也○徐光啓曰言百憂不可思正其憂之深也○鄒泉曰重者自累其心鬱鬱然而

不得伸
舒也

無將大車三章章四句

和按此也

小明大夫悔仕於亂世也

歐陽曰大雅明明在下謂之大明小雅明明上天謂

之小明自是名篇者偶爲誌別耳

明明上天照臨下土我征徂西

音先

至于亢

音仇

野

神與反

月初吉載離寒暑心之憂矣其毒大苦念彼共人涕零

如雨豈不懷歸畏此罪罟

音古

朱曰賦也大夫以二月西征至於歲莫而未得歸故呼天而訴之

亢野遠荒之地

文說

引詩云亢遠荒也

初吉朔日也

陳曰朔日謂月朔之日自一至十皆是也○陳啓源曰二

月周二月也建丑之月也○鄭曰我行往之西方以二月朔日始行至今則更夏暑冬寒矣尚未得歸遭

亂世勞苦而悔仕憂之甚心中如有藥毒也○陳曰
經以彼此作對文此者此幽王彼者彼明王也小宛
溫溫恭人韓詩以恭人爲大王居人上與此共人同
○裊按共人謂能靖共其位之罪當指宣王此大夫
必周之舊臣念先朝而涕零又懼罹今之罪罟而懷歸也罟網也說文

昔我往矣日月方除曷云其旋歲聿云莫音暮念我獨兮

我事孔庶心之憂矣憚音但我不暇音豫念彼共人睠睠音眷

懷顧豈不懷歸畏此譴怒

除除陳生新也

戴震曰爾雅十二月爲涂廣韻涂直魚切除涂同音通用方以智曰謂歲

將除也其說夏正十二月周之二月故首章曰二月初吉○裊按甘誓數有扈氏之罪曰怠棄三正是古者三正並用蓋商周各用其正朔而寒暑節氣則兼用夏時故曰行夏之時此詩二月周正也方除方與據夏憚勞也釋文亦作瘳○陳曰憚爲瘳之假借

昔我往矣日月方奧

反於六

易云其旋政事愈蹙

反子六歲

聿云莫采蕭穫菽心之憂矣自詒伊戚念彼共人興言

出宿豈不懷歸畏此反覆

奧煖也

唐無衣同

○昶按由冬向春東風解凍故曰方奧始言二月初吉繼曰方涂則二月終矣

此曰方奧則又已開春蹙促也陳曰疊韻為訓召旻此皆追溯初往時情事

戴震曰蕭菽皆收之於秋者而戚憂也說文作慼○曰歲聿云莫詩用周正甚明

作繫繫是也○鄭曰詒遺也我冒亂世而仕自遺此憂悔仕之辭○昶按出宿猶出舍也謂念彼共人故

不憚行役之苦而畏此反覆又豈能不懷歸乎易云其旋二句與豈不懷歸二句皆逆入○陳曰反覆反

猶側也

嗟爾君子無恆安處靖共爾位正直是與神之聽之式

穀以女

陳曰爾君子虢王也無常於安處安息以起下文靖
共好與之意荀子云君子博學而日參省乎己則知
明而行無過矣引詩嗟爾君子無恆安息楊注戒之
不使懷安也武帝策賢良制曰詩不云虐嗟爾君子
無恆安息神之聽之介爾景福顏注言靖謀也釋詁
人君不當苟自安處而已是其義也靖謀也文○
和按爾位爾君子之位也君子在位之通稱而正直
意則虢幽王也最其靖共爾位以繼彼共人正直
爲正能正人之曲曰直陳曰襄七年傳引此詩而釋
曲爲直參和爲仁如是則神聽之介福降之傳釋正
直二字即用左傳文左傳恤民爲德句釋詩之靖字
杜注靖共其位所以恤民是也傳訓靖爲謀謀所以
恤民當亦本左傳實靖夷我邦日靖四方傳皆云謀
也皆謂謀治民人意義相同○緇衣子曰有國者章
善癘惡以示民厚則民情不貳詩云靖共爾位好是
正直○和按神之聽之神指先王也式
穀以女言先王用祿與女也以猶與也

嗟爾君子無恆安息靖共爾位好是正直神之聽之介爾景福

息猶處也

陳曰傳謂末兩章同意耳殷其

介景皆大

也

皆釋詁文○陳曰介說文作齊景者京之借字左傳介福降之是介福為大福也○昶按介爾景福

言神大降爾鴻福疊用介景二字以足成文句

小明五章三章章十二句二章章六句

鼓鍾刺幽王也

鼓鍾將將

反七羊

淮水湯湯憂心且傷淑人君子懷允不

忘

幽王用樂不與德比

陳曰鼓鍾擊鍾謂金奏也大饗王出入奏王夏賓出入奏肆夏

夏爲諸侯詩言會諸侯則所謂鼓鍾者奏王夏與肆
賓也凡饗食賓射尚金奏故四章皆言鼓鍾說文鎗
鐘聲也將鎗假借用先王之樂不與先會諸侯於淮
王之德比卽爲淫樂此總發全章之旨

上昭四年傳椒舉對楚靈王曰夏桀爲仍之會有緡
叛之商紂爲黎之蒐東夷叛之幽王爲大室之盟

戎狄叛之杜注大室卽中嶽○胡曰嵩高爲中嶽見
於爾雅姜氏廣義范氏詩藩皆據左傳以爲淮水出

桐柏山桐柏與大室皆豫州山幽王因鼓其淫樂以
大室之盟邀遊桐柏故會諸侯於淮上

示諸侯賢者爲之憂傷鄭曰爲之憂傷者嘉禮不野
合儀象不出門今乃於淮水

之上作先王之樂失禮尤甚○王肅曰凡作樂而非
所則爲之淫淫過也○鄭曰古者善人君子其用禮

樂各得其宜○王引之曰允
語詞懷允不忘懷不忘也

鼓鍾喈喈音淮水皆音淮水皆音淮水反憂心且悲淑人君子其德

不回

嗒嗒猶將將

葛覃傳和聲之遠聞也

潛潛猶湯湯

說文潛水悲流潛潛也

猶傷也

悲傷同義

回邪也

小旻同

鼓鍾伐鼗

反古由

淮有三洲憂心且妯

勅留反

淑人君子其

德不猶

鼗大鼓也

綿同四尺長丈二

孔曰鼗即臯也

釋人云臯鼓尋有陳曰淮南鼗鼓而食注鼗

鼓王者之食樂也玉海引作伐鼗而食

三洲淮上地

朱右曾曰水經注淮水又東為安豐

津淮中有洲俗號關洲蓋津關所在故斯洲納厥稱焉通校全淮惟此有洲在今霍邱縣北也左傳周幽

為大室之盟戎狄叛之潁水源於大室而入於淮意王既會遂浮潁入淮數穆天子之浮于滎水以奏廣

樂宣其汰侈于諸侯而不知戎狄之竊發此賢者所以聞樂而拊心也

妯動也

釋詁文陳曰

箋妯之言悼也古由卓聲同故讀為悼羔裘傳悼動也說文引詩作妯韓詩作陶聲皆相近

猶若

也小星同○蘇曰言不若今王之荒亂也○王安石曰作樂當淮水之溢至淮水之落以言其久也其甚矣

鼓鍾欽欽鼓瑟鼓琴笙磬同音以雅以南反以簫以

反不僭音

欽欽言使人樂進也陳曰鳧鷖傳欣欣然樂也欽欣

在堂上也○孔曰使人樂進者以陳先王正樂正聲之美使人樂心於善樂記說樂之和感動人之善心

而笙磬東方之樂也孔曰以東方物生之位故謂其已

階東笙磬西面其南笙鍾其南鑄注云笙猶生也東為陽中萬物以生是東方為笙磬舉磬則鍾鑄可知

以東為始舉笙磬則四方可知○王夫之曰周禮眠瞭擊頌磬笙磬鄭注笙生也頌或作庸庸功也頌為

磬名則笙非有同音四縣皆同也陳曰凡周樂縣之簧之吹器可知

四面設縣共八縣此外之縣者縛二縣在東西兩行之南特磬一縣在堂下之北更設鞀鼓一縣在頌磬之西四縣皆在堂下同音者堂下樂器之音同也同之爲言均也調也爲雅爲南也陳

玉篇以爲也雅正樂舞舞四夷之樂大德廣所及也六代之樂也南夷樂也

陳曰詩但言南夷之樂傳乃兼言四夷之樂以補明經義○陳啓源曰雅南之義三家詩說皆與毛同文

選注引韓詩內傳王者舞六代之樂舞四夷之樂大德廣之所及六代皆雅樂也四夷則南樂在其中也

又後漢陳忠引詩以雅以南韞任朱離注引辭君云南夷之樂曰南四夷之樂惟南可以於雅以其人

聲音及籥不僭差也卽注語觀東夷之樂曰昧南夷之可見南爲南夷古義皆然矣

之樂曰南馬曰古南與任音義同西夷之樂曰朱離白虎通南之言任是也

北夷之樂曰禁和按周禮鄭注同惟東曰南韞曰任公羊何注東曰株離南曰任西曰禁

北曰昧蔡邕同何白虎通義東曰朝離南曰南西曰昧北曰禁明堂位昧東夷之樂也任南蠻之樂也

以爲箏舞

胡曰以箏兼雅南言之雅舞固用箏南舞亦用箏也○陳曰不言干舞而但言箏舞

尚德之義也舉

文舞以該武舞若是爲和而不僭矣

陳曰抑傳僭差也賓之初筵傳

秉箏而舞與笙歌相應所謂和而不僭也總釋雅南則上文鍾磬瑟包在其中矣末章陳古樂意承上三

章淑人君子謂用樂與德比者也

鼓鍾四章章五句

朱曰賦也

楚茨

徐客反

刺幽王也政煩賦重田萊多荒

陸曰田廢生草曰萊

饑饉降喪民卒流亾祭祀不饗故君子思古焉

孔曰死者

爲天災所殺在者又棄業而逃降喪流亾由祭祀不饗所致經六章皆陳古之善言古之享祀神錫爾福

反明今之不饗神不祐助也○胡曰旣曰思古則但爲想慕盛世之詞而傷今之意自在言外正詩人善

於立言班固所云抒懷舊之蓄念發思古之幽情博我以皇道宏我以漢京也章首言力農墾闢而繼之

曰自昔何爲則居今思古之意甚明鴟鳩通篇皆贊
美君子之辭而序云刺不壹正與此諸詩相似○飛
按作者生際衰亂追想隆風流連慨慕作爲此詩未
嘗有一語刺時也而采風者以其在幽王時知其爲
傷今思古之作故曰刺幽王也衰時而述盛事所以
爲妙遠不測不然祭祀既有樂章又復鋪陳其事亦
何爲乎

楚楚者茨言抽

勅留反

其棘自昔何爲我藝黍稷我黍與

與

音餘

我稷翼翼我倉既盈我庾

音逾

維億以爲酒食以享

以祀以妥以侑

音以

以介景福

方墨反

楚楚棘茨貌

鄭曰茨蒺藜也藻注作薺玉篇作薺

抽除也

陳曰抽除雙聲○嚴

曰方言凡草木刺人江淮之間謂之棘爾雅之蒺藜
卽此棘○朱曰蒺藜之地有抽除其棘者古人何乃
爲此事乎蓋將使我藝黍稷也○說文引詩作藝云
種也○陳曰說文旃旃衆也从旃與聲是與與有衆

義廣雅翼 翼盛也 露積曰庾說文倉穀藏也庾倉無屋 萬萬

曰億伐檀同○孔曰庾在於空非有可滿舉億為多

為本黍與與稷翼翼蕃庶貌陰陽和風雨時則萬物

成萬物成則倉庾充滿矣以黍稷為酒食獻之以祀

先妥安坐也釋詁文○郊特牲舉畢角將祭之祝則詔

主人拜安尸使之坐尸即至尊之位或時不侑勸也

特牲饋食禮尸三飯告飽祝侑主人拜尸又三飯告

飽祝侑之如初尸又三飯告飽祝侑之如初鄭注三

飯告飽禮一成也侑勸也○陳曰以介景福祝為主

人獻神之辭禮運所謂祝以孝告也小明傳介景皆

濟濟

子禮反

蹌蹌

七羊反

絜爾牛羊以往烝嘗或剝或亨音

或肆或將祝祭于祊音祀事孔明

彌郎反

先祖是皇神保

是饗孝孫有慶音羌報以介福萬壽無疆

濟濟蹌蹌言有容也

孔曰曲禮大夫濟濟士蹌蹌是有容也祭祀之禮主人自慤而

趨其賓客則有容儀乃鮮絜爾王者所祀之牛羊以

往司徒奉牛司馬奉羊

○鄭曰冬祭曰烝秋祭曰嘗

亨飪之也

陳曰匏葉箋亨孰也

肆陳也

說文肆將

齊也

釋言文郭注

或陳于互

周禮凡祭祀共其牛牲

或齊于肉

黃以周曰或剝而肆陳于互謂豚解也或

體其犬豕牛羊體有九體十一

禘門內也

釋宮禘謂

廟門也

○說文引詩作繫云門內祭先祖所以徬皇

也○何楷曰祝祭于禘略如迎神之類祭統稱祭有

十倫首言鋪筵設同几為依神也詔祝于室而出于

房此交神明之道也是則祭禘為行禮之始之明據

○焦循曰禘祭索神之名所云為禘於外而出於皇

禘者皆對室中言非門外也○陳曰明謂昭明也皇

大同說文保安也山有樞同○孔曰先祖之精靈於是美大之其神安而歆饗之○陳曰孝

孫有慶以下祝為尸致福於主人之辭禮運所謂報以慈告也少牢饋食禮祝以嘏于主人曰皇尸命工

祝承致多福無疆于女孝孫來女孝孫使女受祿于天宜稼于田眉壽萬年勿替引之是其義也

執爨七亂反踏踏七夕反為俎孔碩或燔音煩或炙君婦莫莫

音麥為豆孔庶為賓為客獻醕市由反交錯禮儀卒度笑語

卒獲神保是格報以介福萬壽攸酢

饗雍饗廩饗也孔曰饗饗以煮米踏踏言饗竈有容也

釋訓敏也○陳曰書大傳饗竈者有容與此傳訓同碩大也宗廟之俎用大房也燔取胾音律

胾音僚○胡曰凡祭血腥之時已有胾胾燔燎至薦熱之時又取胾胾而燔之是燔燎有二事毛以生

民之載燔載烈與此詩之燔炙皆即郊特牲既奠炳蕭之事故或燔言於執饗之下鄭彼注云奠謂薦孰

時也蕭薌蒿也染以脂合黍稷燒之詩云取蕭祭脂是也至信南山取其血膋承以取其毛之下當是制祭時事毛不言炙炙肉也陳曰瓠葉傳炕火曰炙禮者以本文自明炙炙肉也運醴醢以獻薦其燔炙皇侃云燔謂薦孰之時燂莫莫言清靜而敬至也陳曰蕭合馨薌正用毛義與五章君婦同周禮九嬪之職在贊后薦徹豆籩卽五章所云君婦廢徹也世婦之職在蒞陳內羞之物而女御又贊世婦者卽此所云爲豆孔庶也說文豆漠清也莫與漠同清靜敬至此謂正行祭祀之時豆謂內羞庶羞也有司徹云宰夫羞房中之羞于尸司士羞庶羞于尸鄭注二羞所以盡歡心房中之羞其籩則糗餌粉餈其豆則醢食糝庶羞羊彘豕曉皆有載醢房中之羞內羞也內羞在右陰也庶羞在左陽也○任啓運曰正祭時賓客無豆繹乃設之蓋以內羞庶羞皆爲飲酒設故至旅酬乃用繹而賓尸及賓客陳曰詩言設俎薦孰之後直至賓尸設豆之時故傳釋爲豆卽據賓尸之豆有內羞庶羞爲訓經以爲賓爲客句起下獻醴傳乃補明經義謂繹祭賓尸之禮始及賓客

也絲衣序繹賓尸也穀梁傳
繹者祭之日日之享賓也
東西為交

陳云東西二
鱣並旅旅行

也東西行邪行為錯
陳曰邪與衰同錯者造之借字
謂之交也

饋食禮主人酬賓之鱣奠于薦北賓取之奠于薦南
主人獻長兄弟眾兄弟及內兄弟後于是賓取主人

酬賓之鱣酬長兄弟長兄弟酬眾賓眾賓又酬眾兄
弟交錯以辯有司徹旅酬賓三獻後使二人舉鱣于

尸侑尸酬主人主人酬侑侑酬長賓至眾賓與兄弟
及私人交錯其酬皆是以尊酬卑中庸旅酬下為上

所以逮
賤也
度法度也
韓詩外傳作
禮義卒度
獲得時也
鄭曰卒盡
也古者于

旅也語
坊記子云七日戒三日齊承一人焉以為
尸過之者趨走以教敬也
醴酒在室醢酒在堂澄酒

在下示民不淫也尸飲三眾賓飲一示民有上下也
因其酒肉聚其宗族民睦也故堂上觀乎室堂下觀

乎上詩曰禮儀卒度笑語卒獲
陳曰傳釋度為法
度即示不淫示民有上下之義也
祭祀之時清靜而

敬至至旅酬時則笑語不禁即格來
釋言文○方苞
曰謂神安然來

格酢報也

釋詁文○陳曰報之以萬壽也此章及明

於神報介福則祀事至此畢矣下三章又複敘祭祀始末以明思古之情

我孔熯

而善反

矣式禮莫愆工祝致告徂賚

音來孝孫苾苾

反芬孝祀神嗜飲食卜爾百福如幾

讀期如式既齊既稷

音速既匡既敕永錫爾極時萬時億

燠敬也

釋詁文○戴震曰說文難敬也燠借字○鄭曰我我孝孫也莫無愆過也

善其事

曰工

和按此據論語工欲善其事以釋工祝之名

賚予也

釋詁文○陳曰此正祭工祝告

利成也凡正祭告利成後有神餒受福之儀節下文正言其事但讀為且但賚孝孫且賚孝孫也予孝孫

即下文之卜爾也少牢禮上簋親餒曰主人受祭之福胡壽保建家室簋古文作餒說文苾馨香也芬艸

初生其香分布是苾苾皆香也○幾期陳曰讀幾與鄭曰卜予也苾苾芬芬有馨香矣幾期同此假借

也式法也

說文同○昶按如期謂胡壽也如法稷疾謂保建家室也箋謂此皆嘏辭之意稷疾

陳曰爾雅疾速也謨音速謨稷皆从麥聲稷讀為疾猶勅讀為飭竝於雙聲得義齊亦疾也爾雅齊疾也

○馬曰古者以疾為敬設文亟速也廣雅亟敬也敕固也陳曰說文飭致堅也致堅者固之謂

也爾雅匡正也固與正義相近齊稷匡敕皆祭祀肅敬之意○鄭曰極中也長賜女以中和之福是萬是

億言多無數

禮儀既備鍾鼓既戒孝孫徂位工祝致告神具醉止皇

尸載起鼓鍾送尸神保聿音歸諸宰君婦廢徹不遲諸

父兄弟備言燕私

陳曰戒亦備也祭且畢王將出則奏鍾鼓矣大司樂王出入則令奏王夏○鄭曰孝孫往位堂下西面位也致告告利成也
陳曰告者告孝孫也郊特牲士禮其正祭於旅酬後祝告利成改饌

闔戶牖再告利成士不賓尸也少牢大夫禮其正祭
 終獻後告利成尸出又賓尸告利成尸出改饌再告
 利成鄭注利養也成畢也孝子之養禮畢此告利成
 之節次也天子諸侯禮更隆盛上章工祝致告謂正
 祭祭畢此章工祝致告謂繹祭祭畢毛於皇大也陳
 此章發傳者至繹祭而事尸之禮乃終也皇大也曰
 皇訓大尊大之也○段曰宋書禮志兩引皆曰鍾鼓
 送尸正義鳴鍾鼓以送尸是唐初不作鼓鐘開成石
 經誤○鄭曰載之言則也神安歸者歸於天也廢去
 也尸出而可徹諸宰徹去諸饌君婦籩豆而已不遲
 以疾為敬也○孔曰周禮膳夫凡王祭祀賓客則徹
 王之胾俎言諸宰者以膳夫是宰之屬官膳夫上士
 二人中士四人下士八人故言諸也九嬪凡祭祀贊
 后薦徹豆籩知君婦豆籩而已餘饌諸宰徹之也○
 馬曰徹者斃之假借說文斃發燕而盡其私恩鄭曰
 也廣雅發去也廢斃二字同義燕而盡其私恩祭祀
 畢歸賓客之俎同姓則留與之燕所以尊賓客親骨
 肉也○孔曰郊特牲云祝命徹胾俎豆籩設于東序
 下注云胾俎主人之俎設于東序下亦將私燕
 也歸之俎所以尊賓客留之燕所以親骨肉也

樂具入奏以綏音後祿爾穀既將莫怨具慶音既醉既

飽補首反小大稽首神嗜飲食使君壽考去九反孔惠孔時

維其盡之子子孫孫勿替他計反引之

綏安也穆木同安然後受福祿也和按鄭曰燕而祭時之樂復皆入奏傳所

云安者即燕也上章云備言燕私此章即陳燕私受福之事故云安然後受福祿也將行也陳

既醉篇爾肴既將傳同皆讀如行列之行伐柯籩豆有踐傳踐行列貌是其義也中庸云親親則諸父昆

弟不怨所謂莫怨具慶也既醉傳既者盡其禮終其事又云終於饗燕始於享祀文義與此同此下復因

燕私醉飽而推本於祭祀受嘏與第三章末一意盡之盡其禮也祭統云唯賢者能盡祭之義賢者之

也必受其福非世所謂福也福者備也備者百順祭名也無所不順者之謂備○鄭曰惠順也甚順於禮

甚得於時維替廢釋言文○陳曰俗作替引長也君德能盡之替廢說文替廢也从竝白聲引長也釋

文又釋訓子子孫孫引無極也舍人注子孫長引美無極也○和按首章前四句思古此章末二句傷今言外見今之子孫不能引長而替廢之也

楚茨六章章十二句

朱曰賦也○顧鎮曰刺幽之詩節南山以下十二篇皆小

人女子構譏召禍之事大東以下則賦役不均而天下皆困故年難順敘要在幽世之限斷畫如也涕泣之道至是已窮而心猶不已乃稱引古昔以動其深思故鼓鍾篇反復於君子之德而盛稱古樂之不僭思古之義當自鼓鍾始序特於楚茨著其說耳詩人感時傷事述古興懷其所指陳皆非無爲周家以穡事開國而幽政煩賦重田卒汚萊故楚茨四詩反覆農事宣王以奮武中興而幽荒於酒色朝會盡廢故瞻洛四詩鋪陳盛美皆所以鼓舞歆動之至頌弁爲角弓之反車牽爲白華之尤深切矣

信南山刺幽王也不能脩成王之業疆理天下以奉

禹功故君子思古焉

陳啓源曰曾孫之名周之後王皆可稱然文武開創時武功多

於文治禮樂制度大率皆成王詩則思古者惟思成王固宜文武而下止有成王

信彼南山維禹甸

田見反

之昀昀

音勻

原隰曾孫田之我疆

我理南東其畝

滿以反

陳曰禹貢雍州荆岐既旅終南惇物至于鳥鼠荆岐渭北山終南惇物渭南山終南在今長安縣南惇物

在今武功縣南皆為南山禹治水甸治也

韓奕同○胡曰韓詩

作隰古甸田隰字皆通周禮注甸讀曰田說文田隰也隰者隰列穀種已含治義毛韓字異訓同○嚴曰

言禹甸治之則平水患

昀昀墾辟貌

陳曰均人注引作營營音均與

昀同夏小正農率均田注均者始除

曾孫成王也

孔曰孟子夫序言成王疆畫經界也○孔曰孟子夫

界也經界者地畔之名

理分地理也

孔曰分別地非宜之理孝經注高田宜黍稷下田宜

稻麥或南或東

王夫之曰司馬法六尺爲步步百爲畝步百者積一畝之實也取百步之

積而方之則每方十步而黍稷菽麥之地與稻田殊其塍埒必狹長乃可行水然朱子謂廣一步長百步

者則太隘而與井地不同且田體皆順與此言南東其畝舛異南東其畝者或南北其畝或東西其畝也

考工記耜廣五寸二耜爲耦一耦之伐廣尺深尺謂之畎一畝之積廣五步凡三十伐徑二十步凡五列

之每列縱者四畝橫者四畝兩縱三橫或三縱兩橫而成一列爲二十畝五其二十爲步百以成一列五

其列則每方百步積萬步而爲百畝此則夫田之可方者也而二十五其四以成一夫縱者半橫者半故

南山之詩曰橫縱其畝橫者南縱者東也一縱一橫交午而成方則畎間之水各因其徑爲所注於遂之

道矣百畝而一夫夫有遂廣二尺深二尺都鄙之制九夫爲井井有溝廣四尺深四尺十里爲成成有洫

廣八尺深八尺百里爲同同有澮廣二尋深二仞則溝洫皆方而起於四十井爲成者四井爲邑四邑爲

邱而旁加一里也要其數皆以四起則與四畝之徑
廣各二十步而一方同四者開方之數所自生也都
鄙近國車馬往來之衝故方之以便行而一夫之田
或縱或橫則猶相互焉若鄉遂之制變九而十夫閒
有遂遂上有徑十夫有溝溝上有畛百夫有洫洫上
有涂千夫有澮澮上有道萬夫有川川上有路以十
相成勢不能方或曲一夫之遂縱之橫之以就溝或
一夫之遂如都鄙法而十夫之遂則兩列各四夫一
列二夫兩溝而成一列廣四夫長五夫積五列而成
洫一縱一橫逮乎五其二十而百夫溝上之畛猶必
有齟齬不受之處而形如凹字之半積百而千積千
而萬三十三里少半里猶不齊也九川而同而後方
百里齟齬者得互相受而疆界始方焉則自一夫百
畝以抵於同其或東或南犬牙相入而畝畝遂溝洫
澮川參差縈紆者不一也溝洫本瀉水以防滌而直
流太急則又苦其易濇故曲折之以節其流且地勢
之高下無恆亦因之以輪灌而不滯鄭氏周禮注曰
以南畝圖之則遂縱溝橫洫縱澮橫九澮而川周其
外與朱子之說小異大同無復紆折蓋鄭以南畝圖
之而不以南東其畝圖之也惟南東其畝則徑畛涂

道畎溝洫澮皆隨之以紆回水流既節而又可以限戎馬故郤克使齊盡東其畝而國佐對曰吾子疆理諸侯而曰盡東其畝惟吾子戎車是利此之謂也夫井邑邱甸之或縱或橫必相地勢以經畫其疆理安得盡使截然方折以趨川邪

上天同雲雨雪雰雰

芳云反

益之以霰

革反

霰音木既優既

渥音屋既霑

張廉反

既足生我百穀

馬曰釋天冬曰上天古尚書說自上監下則稱上天韓詩雪雲曰同雲蓋陰雲密布之貌埤雅引詩而釋之曰冬曰上天煥則雲暘而霧雰雪貌楚辭王注注豐異寒則雲陰而同其說是也年之冬必有積雪陳曰晏子云陰水厥陽冰厚五寸者寒溫節節則刑政平平則上下和和則年穀孰此與傳說略同小雨曰霰釋天文○說文引詩優霑雨霰也霰霑也泥濡也○陳曰足借字

疆場音亦翼翼黍稷或或於逼反曾孫之穡以爲酒食界必寐

反我尸賓壽考萬年

場畔也孔曰以田之疆畔至此而易主故名之爲場○說文畔田界也翼翼讓畔也

孔曰舉讓畔之敬以明其田事之理或或茂盛貌廣韻作穡穡云黍稷盛貌○鄭曰斂稅曰

穡界與也○陳曰以黍稷爲酒食也凡祭祀有妥尸饗賓之禮

中田有廬疆場有瓜音孤是剝邦角反是蒞側居反獻之皇祖

曾孫壽考受天之祜

鄭曰中田田中也農人作廬焉以便其田事○王夫之曰孟子所謂五畝之宅者民之恆居也周禮上地夫一廛中地一廛下地一廛但田百畝卽有宅地一廛田以畝計而宅定限明矣若廬則耕穫之次舍說文廬寄也秋冬去春夏居則異於廛宅可知蓋於公田之中割二十畝爲草舍八家通一安置耒耜收斂

秉穡以避風雨而便田事婦子來饁有所蔭息田畯
課耕有所次止先王周恤民情於此為悉李悝商鞅
之流以為閒土而辟之是以後世無存者剝瓜為菹也鄭曰剝削淹漬以
物○孔曰周禮場人祭祀供其果蔬是祭必有瓜菹
矣○陳曰獻瓜菹於先祖神饗德與信不求備焉也
祭以清酒從以騂息營反牡莫九反享于祖考去九反執其鸞

刀以啓其毛取其血音聊

王夫之曰周禮酒正辨三酒之物三曰清酒鄭注清酒今中山夏釀接秋而成地官牧人云陽祀用騂牲三代祭其廟各用其所尚之毛色○陳曰從從獻也量人注云從獻者肉肴從也鸞刀刀有鸞者說文鑾鈴象鸞鳥之聲言割中節也孔曰鸞即鈴也謂刀環有鈴其聲中節郊特牲曰割刀之用而鸞刀之貴貴其義也聲和而後斷是中毛以告純也孔曰郊特牲云毛血告幽全之物貴純之道也楚語觀射父云

毛以示物章注物色是毛以告純 膏脂膏也說文引詩作膏云牛腸脂也 血以告

殺楚語 膏以升臭孔曰燒其脂膏升其臭氣使神聞之 合之黍稷實之

於蕭合馨香也郊特牲云蕭合黍稷臭陽達於牆屋故既奠然後燂蕭合馨香 ○以上二

十九字正義以為箋語
陳據定本集注訂正

是烝是享苾苾芬芬祀事孔明彌郎反 先祖是皇報以介

福萬壽無疆

烝進也釋詁文○陳曰廣雅馥馥芬芬香也馥馥本韓詩○張耒曰受莫大之福其君有安寧壽

考之樂極治之世也而其本出於倉廩之盈原隰之治田廬之修雨雪之時而後乃及於祭祀禮樂之事蓋衣食不足於下則禮樂不備於上詩人深探其本要其終而言之序如此也

信南山六章章六句朱曰賦也

谷風之什十篇五十四章三百五十六句

詩毛氏學二十終